



# Ттуршра шинал лахъишиврийсса манзил

Гъумук, Лакрал райондалул администрациялул залдану, хъуннасса шадлугърай кИиЦ ларгунни «Ххяхабаргъ» кказитрал 100 шинал юбилей.

7  
лаж.



# ХЪУННА

№28  
(2194)

14 ИЮЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкИссар 1917 ш.  
Цунил итабакълан бивкИссар 1991ш.

## Виричувнан гъайкал дацІан дунни

**МахІачкъалалив лахъа-мхъунну тІиртІунни Аьрасатнал Виричув МахІаммад НурбахІандовлунсса гъайкал. Мажлисрай гуртту хъунни Дагъусттаннал БакІчи Сергей Меликов.**

**Адриана АБДУЛЛАЕВА**

Гъайкал тІиртІунни шагърулул дянив – Экономикалул министрстволул къатрачІа. НурбахІандов ккаккан увну ур чувшиврий жан дулуннин ца лахІзалул хъхъичІ. Та къини, 7 шинал хъхъичІ, боевиктурал тІалавшинна диркІссар хІаписарная, камералийн цала коллегахъахъ къуллугъ къабитияра учи тІисса. Цала тІимур къабарча боевиктурал аьшун изантІишиву кІулну бунугу, полициялул лейтенантнал яхІ жандалияр ягтту бивкссар. Ванал «Зузияра, уссурвал!» куну овъчаву дурссар. Вай махъру хІакъинусса къинигу Аьрасатнал силовиктурал девизну хънахъиссар.

Гъайкал тІитІлатИсса мажлисрай ихтилат бунни Сергей Меликовлул.

– ХІакъину жува тІитІлай буру гъайкал Аьрасатнал Виричув, хІаписар МахІаммад НурбахІандовлун. ХъунмурчІин ва саванур Дагъусттаннай, шалагу Ухсав-



нил Кавказнаву террористал бат бан бовхъусса, инсантураща васщах бакъа занан бовхъусса.

«Зузияра, уссурвал!» тІисса ванал махъва-махъсса махъру, шалагу билаятрайх ппив хъуну, чиндалувминнан бакъассагу, ватан ххирасса гъарцагу инсаннан девизну хъуссар.

БакІ къус ритлай буру, къуллугърал бурж бартбигълай, дакъаврил ва паракъатшиврул цІаний жанну дуллусса Дагъусттаннал жагъилтурал чувшиврул хъхъичІ, – увкунни Республикалул БакІчинал ва баян бунни Виричувнал аьпалун минутрайсса пахъ багъаву.

Гъайкал тІиртІунни Терроризмалул талан кабакъу буллалисса фондрал кумаграйчІин.

– Хъиричур жула цачІусса даву хъунтІиссар хасъсса аьралий операциялий цалчин Виричувнал ца ларсъсса НурмахІаммад ХІажимахІаммадовлун гъайкал дацІан даву. Жунма дакІнийссар, цуксса лавайсса къимат бивхъуссарив хІаписар-десантникнан Хъунама Главнокомандующийнал. Президентнал махъру бовхъунни гъарицагу дагъусттанчувнан. МахІачкъалалал администрациялул кабакъу бан аьркинссар гъайкал дацІан дансса кІану личІи бан, – увкунни региондалул бакІчинал.

Цала ихтилатраву Сергей Меликовлул мукума кИиЦ лавгунни хІакъину билаятрал мурадру бурчлачІисса Дагъусттаннал аьралитал.

– НурбахІандовлул девизрацал хъхъичІ ххуттай бавцІуну жула ватан дурочлай бур билаятрал цинявпагу миллатиргтал вакилтал. Щак бакъар, аьралий бурж бартбигълай жанну дуллусса цинявпагу дагъусттанлултурал аьпа абад бантІиссар Дагъусттаннай. Вайнал чувшиву Ватан ххираминнан эбратну хъунтІиссар. Жунма пахъру буссар жула аьралитурал чув-

шиврия ва ялугълай буссару ххувшаврицал зану хъуннин, – увкунни Республикалул БакІчинал.

«Зий буру, уссу!» – куну къуртал бунни Сергей Меликовлул цала ихтилат.

Виричувнал ппу НурбахІанд НурбахІандовлул барчаллагъ увкунни дагъусттанлултурахъ мулан цала чІарав буну тІий.

– Тания шихуннай 7 шин ларгунни. Зу чІарав бушиву мударгу асар хъанай бия жул кулпатран. Зу къабивкІссания ва хъуннасса къурчІишиву жу цукун духІанссияв къакулла. Тай шиннардий жува чІявуссаннаца хъуру. Тай дия жулла республикалун хъинну захІматсса, терроризмалул ва къачагъшиврул аргъ дирзсса чІунну. Аьрасатнал Президент Владимир Путинлул сисаврийну дух дан хъунни жушара терроризм. ХІакъинугу, хъхъичІ ххуттай бавцІуну, жула оьрчІал ккаккан дуллай бур цала чувшиву. «Зузияра, уссурвал!» тІисса му къурттишал хъхъичІунмай най бур, – увкунни ванал.

Ихтилат бунни Росгвардиялул зузала, хасъсса аьралий операциялул гурттуци, полициялул майор Ш. ХІажирамазаннул. Ихтилатру къуртал хъуну махъ Виричувнал гъайкалдануцІ дирхъунни тІутІив.

НурбахІандов дакІнийн утан бувкІун бия жяматийсса ва политикалул ишккакулт, депутатътал, ихтияду дуроччай органнал зузалт.

– Ина ттун ччянияцава кІулссара архІал къуллугърал буржру бартбигълай. Ина мюхчаншиврул органнал структуралий каялувшиву дуллай уссияв Хасаврай. Тания шихуннай ттул вил чулухунайсса урвау личІи къархъуссар. Ина ура аьралуннал инсан, икІайкунсса хІаписар ва Дагъусттаннал патриот. Жула республикалий низам ва законну дурочлай, ина цимилагу оьрмулун нигъачІаву дусса тагъарданий ивкІссара. Уттигъанну Дарбантлив увкІсса чІумал Аьрасатнал Президент Владимир Путинлул лавайсса къимат бивхъунни Дагъусттаннай мюхчаншиву дурочлай бивкІсса циняв структурардан. ХІакъину зул хІарачатрайнур Дагъусттанная ччиманаша учІан бовхъайсса, Аьрасатнал ца яла машгурмур субъект хъусса, – увкунни Сергей Меликовлул.

ВаналкИиЦлавгунниЩуссалакрал район, 1999 шиналсса иширттая тІайла хъуну, бигъа бакъасса

## Сергей Меликов хъунаавкъунни Цуссалакрал райондалул бакІчинащал

**Дагъусттаннал БакІчи Сергей Меликов хъунаавкъунни уттигъанну Щуссалакрал райондалул бакІчину ивтесса МаматІи ХІамзатовлуштал.**



ххулул бивтесса район душиву.

– Тай шиннардий кІанттул агъалинал бурувчуссар Дагъусттан дуниялул къачагътурая.

Вингу кІулссар тай иширттая, ина тайннуву гуртту хъуссара. БувчІлай бур, хІакъину Щуссалакрал райондалий нани-

сса ишру, хаснува цІусса миналийн бизан баву, бигъасса бакъар. Вайнулушиврий агъалинал властьрайнсса вихшала къукълай дур. Жунна му вихшала зану дан аьркинссар. Бур чІявусса барткъабивгъусса хозяйстволул масъалартту. Вияр хъхъичІми каялувчитал ми шаллу бан хІарачат буллай буссия, амма гъармур дан миннаша къавхъунни. Ттул умуд бур жушаву цІусса методикалий, ччясса чІумул мутталый инсантурал ялапаршиннарал шартІру къулай дан хъунссар тІисса, – увкунни региондалул бакІчинал.

Цала чулуха МаматІи ХІамзатовлул барчаллагъ увкунни цайна дурсса вихшалдарахула ва махъ буллунни райондалул иш бачин-

сса куцуй зун.

– Шаймур банна ттуийна дурсса вихшала зия къадан. Дагъусттанлултурал цІаний зунну. Райондалий чІявусса шаллу бан багълагъисса масъалартту бур. ХъхъичІ ххуттайн цуми ласун бурив квавккун, зунну. Умуд бур инагу кабакъу банссар тІисса, – увкунни райондалул бакІчинал.

Сергей Меликовлул кИиЦ лавгунни райондалул масъалартту шаллу буллалиний хІасавравун ласун аьркиншиву чІявусса миллатру яхъусса райондалул менталитет ва яличІишиву.

– Аьрши инсантураха зун аьркинссар. ЛичІи-личІисса къуллугъирттайсса жула коллегахъайн тапшур бантІиссар вай масъаларттаву кабакъу бан. Жувагу чІунчІумуй хъунабакълай, ххал бигъланну ми масъалартту ва къамул булланну миннул хІакъиравусса хІукмурду, – увкунни субъектрал каялувчинал.



## Аьралитурал кулпатиртташчал хьунаавкъунни

Дагъусттаннал БакIчи Сергей Меликов хьунаавкъунни хасъсса аьралий операциялий жанну дуллуминнал кулпатиртташчал.

Андрiana АБДУЛЛАЕВА

Сергей Меликовлул кIицI лавгунни хасъсса аьралий операциялий дагъусттанлултурал цала региондалул цIа лайкъну дуручлай бушиву. Аьралитурал кулпатирттан кумаг бансса чаранная гьалгьа тIий, Дагъусттаннал БакIчинал кIицI лавгунни миннал федерал ва региондалул кумагру буллаи бушиву. Ми инсантурачIан биян баврил хьар лахьлай бур «Все вместе» фонд ва республикалий утти зун дайди хьусса «Защитники Отечества» тIисса паччахIлугьрал фондрал отделение. Ва отделениелийччин биян буллантаИссар СВО-рал гьуртгучитурал ва миннал кулпатирттан личIи личIисса кумагру. Зурул даянв ххал бивгьуну бур 250-нния ливчусса аьрзри.

– Къулагьас къадурну цавагу аьрза къабитантIиссар, – увкунни Республикалул БакIчинал. Аьркин багьний кумаг бан хIадурну бур «Единая Россия» партиялул Хьаннил суккушиннарал вакилталгу. Жула республикалий ва суккушиннарал даврий каялувшиву дуллаи бур ДР-лул Халкъуннал Мажлисрал комитетрал председателнаи хьиривчув Елена Ельникова. Партиялул проектрал лагрулий кумаг буллантаИий бур аьралитурал ниттихьан, кулпатирттан, шахьаннин.

Хасъсса аьралий операциялул гьуртгучитурал ва миннал



кулпатирттан буллалисса кумагирттая гьарта-гьарзану бивсунни ДР-лул аьралий комиссар Дайтбаг Мустапаевлул, ДР-лул захиатрал ва социал иширттал министр Мурад Казиевлул, «Защитники Отечества» фондрал Дагъусттаннал филиалданул каялувчи МахIаммад Рашидовлул. СВО-рай жан дуллусса аьраличувнал ссу Лидия Сахнинал барчаллагь увкунни властьрал органнал ва гужирдал структурдал каялувчитурал аьралитурал кулпатиртта-хасса аякъалухлу.

Ихтилатру къуртал хьуну махь ХIукуматрал вакилтурал ихтилат бунни аьпалул хьусса аьралитурал гьан-маччаминнашчал. Циньявпагу вайннал кIицI лавгьсса масъалартту хIисавравун лавсун, ми шаллу бан кумаг бантIиссар.

## Аьралитурал оьрчIру хьхьичI ххуттай къамул буллантаИссар

Хасъсса аьралий операциялий гьуртту хьанахьиминнал оьрчIру хьхьичIва-хьхьичI къамул буллантаИссар школарадийн ва оьрчIал багьравун. Укунсса ХIукуму бунни Аьрасатнал Президент Владимир Путиннул. Укун-

насса ихтияр дуссар аьралитурал арсиврий, душ-шиврий бивхьминнахьгу, аьралитурал аякъалийн лавьсса оьрчIахьгу. Балжинув ва ХIукумулий буккин хьунтIиссар АьФ-лул ПаччахIлугьрал Думалул сайтрай.

## Арцуинусса сертификатру дуллунни

Дагъусттаннал БакIчи Сергей Меликовлул 100 азарда къурушрансса сертификатру дуллунни ЕГЭ-рдал 100 баллу лавсминнал.

ПатIимат РАМАЗАНОВА

Сертификатру дуллунни ингилис мазрал, экологиялул Аьрасатнал олимпиадарттай ххув хьуминнангу, вайннал учительтурангу. Лавайсса баллу лавсминнал барча буллалисса шадлугьрай Дусшиврул къатлуву гьуртту хьунни ХIукуматрал хьунаманал хьиривчув Муслим Телякавов, КIулушивуртту дулаврил ва элму-

лул министр ЯхIия Бучаев ва ванал хьиривчув Аида Далгатова.

Ва арцуинусса премия Меликовлул 3 шинал хьхьичI цIакь дурссия. Тания мукьах гьаршинах дуккавриву итхьавьсса оьрчIан дулайссар арцуинусса сертификатру. Гьашину Дагъусттаннай ЕГЭ дуллуну дур 12 000 выпускникнал, вайннавату 29 выпускникнал 100 баллу лавсун бур.

Июльданул 10-нний Дагъусттаннал БакIчи Сергей Меликовлул каялувшиврийну хьунни агьамсса масъалартту ххал бивгьлагьисса совещание.

## Ца кьинисса харж кьини дуркминнан

ПатIимат РАМАЗАНОВА

Ванил дайди хьулийва Меликовлул бивсунни республикалий хIасул бивну бушиву Запорожскаллаб областьрайсса Михайловский райондалун ка-кумаг буллансса оперштаб, бивсунни тихун диян дуршиву гуманитар гивулул 60 тонна ва гьинтнил каникуллай бивгьалаган тиха 40 оьрчI бивкIшиву жучIанма. Бивсунни, объектирттал ци тагьар дурив ккаккан, тихун цимилагу бившиву ка-кумаграв давурттаха зузисса группа. Республикалул хьунаманал маслихIат бунни чиновниктурал, ца кьинилул харж тайннан кумагран тIайла буккан.

Вара совещаниялий Меликовлул гьаз бунни Дарбантулал 5000 шин душиврул статус расмийну цIакь буван аьркиншиву. Ва давриха зунсса группа хIасул бувантIишиву мяълум бунни. «Аьрасатнал Президент Владимир Путиннул цанма Дарбантулал тарих ххуйну КIулушиву ккаккан бунни, ва иширалгу жува буржлул буллалиссару тарихрал тIайладакъашиву тIайла дацIан дуван», – увкунни ванал.

Социал инфраструктуралул объектирттал капремонтрал ва

строительстволул давурттая бивсунни Минстройрал бакIчи Артур Сулаймановлул. Национал проектирттал лагрулий гьашину 40 школа ва 8 оьрчIал садик бивну къуртал бувантIий бур, ЖКХ-лул даву лябуккулий ва сантирай хьхьичIуннай хьанай дусса дур, федерал программарттал кумаграцIух.

ЦIулушиву дуруччаврил министр Татьяна Беляевал бивсунний бивну, гьашину гьануцIакул 74 зданиялул ремонт дувантIий дур, 63 объектрай давуртту, дайди хьуну, шириркIуну дусса дур. КIулушиву дулаврил ва элмулул министр ЯхIия Бучаевлул, школарду цIусса дуккавриву шинайн хIадур баврия буслай, кIицI лавгунни объектру 65% хIадурну бушиву, капремонт дуллалисса школардай даврил буши дири буккан бившиву. МахIачкъалал мэр Юсуп Умавовлул бивсунни шагьрулий закондалуцIун къадаркуссса стройкартташчал цукунсса ххулурду ласлай буссарив, кIицI лавгунни судирттал хIукумулийн бивну къатIайлану дурсса 10 объект лекьан дуршиву ва, уттиния тинмайгу ялув бавцIуну, ва аралуву нязам дишинтIишиву.

## Барчаллагь уссурвал Аслудиновхьан

Вай гьантрай СВО-рай гьуртту хьанахьисса аьралитурал чулу-Вха Дагъусттаннай бивкIунни ЦIуссалакрал райондалиссса меценатнахь барчаллагь тIутIисса чагьар.

Имара САИДОВА

Аьралитал барчаллагь баян буллаи бур жула подразделениеарттан кумагран прицеллу тIайла дурксса ЦIуссалакрал райондалиссса Гьамияшиял шьравасса «Вианор» тIисса шинардал центрданул заллу Аслодин Аслудиновлул ва мунал уссурваврайн. Аслодиннул ва ванал уссурваврай жула аьралитурачIан тIайла дурккун дур 5 прицел.

Шиккува кIицI лаган, хьхьичIавагу Аслодиннул ва ванал уссурваврай, Украиннал аьршарай нанисса хасъсса операциялуву гьуртту хьанахьисса аьралитурал чIарав бацIаву мурадрай, тIайла бивкьссия дуки-хIачIиялул бивцIусса КамАЗру.

ХIакьинусса кьини Аслодин кунма чумартсса инсантурал дуллалисса давурттан багьа бакъассар. Укунсса вирттал жула аьралитурал махь буссаксса, ххувшаву ласунсса вихшалагу ххишала хьанай дур.

## Барча буллаи буру

Вай гьантрай хIажлия зана хьунни Халкъуннал Мажлисрал депутат Артур Исапилов ва ванал арс Аьбдулхаликь.

ДакIнийхтуну барча тIий буру зул хIаж. Кьамулсса хьуннав циярдагу зу дурсса дуаьрду. Зул хIажлил барачат агьлу-авладрайн, шалагу лакрал миллатрайн бияннав.

ТтурчIиял жяматрал ккуран

## Баян

Июльданул 15-нний сьят 13.00 хьусса чIумал ЦIуссалакрал шьраву хьхьичIмур миналий дуллалиссар ТтурчIиял кьини.

ОьвтIий буру ТтурчIиял жяматрайн, циньявпагу жул кьини хьун дан, жул чIарав бацIан ччиминнайн.

Бухьхьяра, хIадурссару хьунабакьин. Ххариссару гьарицагу хьамаличувная.

Сакиншиннарал комитет

## Дуниялул гьунттулу ЦIусса хаварду ца-кIива ххуттайну

ИСПАННАЛ ПЛЯЖИРТТАЙ КЪАЛИЯНДАЛИЙН КЪАДАГЪА

Испаннал Балеарский жазирардайсса 28 пляжрай къалиян къаучинсса къадагъа дирхьуну дур. ЦIулушиву дуруччаврил управлениалул вакилтурал бивсуннийн бивну, къалияндалул пуркIу бакъами пляжру дусса дур агьалинал цIулушиврун монпатсса. Мунияту, туризмалучIун дайдишайхтура цIакь дурну дур къадагъа.

КЪУРАНДАЛУЛ ЛУТТИРАНССА ГЪАЙКАЛ

Челябинскаллаб областьрайсса Селянкино тIисса шьраву Къурандалул луттиран гьайкал дацIан дурну дусса дур. Ва тIивтIусса луттирал скульптура дур, луттирал КIулушивугу 600 килограммри тIий бур.

ЯТIУЛ ЧИМУС МУСИЛ БАГЬЛИЙ

Азиянаву гужсса дяркъу хьуну ятIул чимус зия хьунтIий, Аьрасатнаву гьаз хьунни чимусул багьа. Ца килограмм ятIул чимусул 70 къурушран дусса дур базаллуву. Ва махьсса 20 шинал мутталийсса рекордри тIий бур. Мусил багьлуи машин ласлаяр, чимус чанну кананну тIиссагу бур. Вагу чаранни.

ЛАТВИЯНАВУ ЛАЙКИРДАЩАЛ ТАЛАН БИВКIУННИ

Латвиянаву Ххувшаврил байрандалул кьини цу-унугу барча увминначIан ягу барча уллалисса текстрал лув лайкру бивхьуминначIан аьчIа дирхьушиву тасттикь буллалисса рассылкарду дуркIун дур. ПаччахIлугьрал полициянал баян бунни, Ххувшаврил савлугь дуллалисса постру чивчуминнан аьчIа дишаврийнусса танмихIру буллантаИшиву.

ДОНЕЦКАЛИЙ ШАЭРНАЛ ОНЛАЙН-ВЫСТАВКАРТТУ

Донецкалий халкъуннал шаэр Расул ХIамзатовлул хасну цалчинсса онлайн-выставкартту ТIиртIуссар. «ХIамзатовлул пукьа» проектрал хьунама, ТАСС-рал аьралий корреспондент Гьанджеви ХIажибалаевлул Донецкалал Республикалул культуралул министр Михаил Желтяковлул хьунаавкьусса чIумал гьаз бивсунна шаэрнал юбилейрал мероприятияртту Донецкалийгу даврил масъала.

ХIадур бивссар ПатIимат РАМАЗАНОВАЛ

## Сергей Меликов Чечень жазиралийн ивунни

Дагусттаннал БакIчи Сергей Меликов ивунни Чечень жазиралийн. Шикку, социал объектуру ххал буну, дунни Оьруснал географиялул обществолул (РГО) региондалул отделениелул Попечительтурал советрал заседание.



Анриана АБДУЛЛАЕВА

Чечень жазира бухлахиссар МахIачкьалалал Кировский райондалуун. Амну ванил площадь 7 азарда гектар хьанай дур. Шикку 50-ксса инсан ялапар хьанай ур. Жазиралийн учIайху Сергей Меликовлул хьхьичIра-хьхьичI тIутIив дирхьунни Буттал КIанттул цIанийсса дьэвийил жанну дуллусса абралитурал гьайкалдануцI. Шикку жазиралия абрайн лавгсса саллатIнал цIарду чирчуну дур. Хьирив Республикалул БакIчинал ххал бунни фельдшерско-акушерский пункт. Ва тIивтIуну бур 2020-ку шинал. Шикку зий бур шанма кабинет: оьрчIру байсса зал, процедурарду байсса ва фельдшернал. Бур шикку аьркинсса медикаменту ва аппаратура, ФАП-рал сияхIрай ур мюршиссагу, хьуниссагу 80 инсан.

Сергей Меликовлул мукумна ххал бунни 1940-ку шиналва гьану бивзун бивкIсса школа. Хьуни дакъасса школалул кьатраву бур ряхва кабинет ва спортзал. Школалул даврия балжину бивсунни директор Саида Жабраиловал. Ванил бусласимунийн буну, школа авара буллау бур чья-ччяни чани лешлашаврил.

Сергей Меликов мукуна ивунни шиччавасса Анатолий ва Инна Крупинахьал кулпатравун. Кулпатраву мукьва оьрчI бур, нину-пту зий бур КIанттул школалый. Вайннал бивсунни цукунсса захIматшивуртгашал хьунабакьлай буссарив жазиралий ялапар хьанахьими гьарца кьини. Ца яла агьаммур масьала бур инженерная инфраструктура дакъашиву. Кулпат ялапар хьанахьисса кьатри 100-нния лирчусса шинну хьусса дур.

Республикалул БакIчинал ихтилат бунни жазиралий ялапар хьанахьисса цайминнашалгу. Шикку гьаз бунни транспорт дакъашивул, электричестволул масьалартту.

Хьирив Республикалул БакIчинал дунни Оьруснал географиялул обществолул региондалул отделениелул Попечительтурал советрал заседание. Шикку цаймигу масьалартгашал ххал бивгьунни Чечень жазира лябуккан баврил масьала.

– Жура дуллау буру РГО-лул КIанттул отделениелул Попечительтурал советрал мукьилчинмур заседание. Вайннал цала маслихIатрайн буну ва Чечень жазиралий дан пикри хьунни, цанчирча личIи-личIисса географиялул, тарихрал, тIабиатрал артефактирдашал жунма ляхьлан багьлай бур агьалинал оьрму ххуй

бансса чарангу. Ххаришиву дур шиккусса инсантал цала КIану ххирасса бушиврия. МунишIун, вайннал оьрмулул шартIругу бигьарахIатсса дикIан аьркинссар, – увкунни Сергей Меликовлул.

Республикалул БакIчинал бусласимунийн буну, жазира казачестволул чавахьчитурал культуралушIун бавхIуну бур. Шикку ляркьуну дур чIарусса артефактру. Амма инсантуран шикку оьрму нирхиравун бутан бигьану бакьар.

БакIчинал барчаллагь увкунни шикку ялапар хьанахьиминахь Буттал КIанттул цIанийсса Хьунмасса дьэвийил жанну дуллуннал ва ттизаманнул виртавал аьпа ябуллау тIий. Уттиния тихуннай шикку дуллунмуния гьалгьа тIий, Сергей Меликовлул КIицI бунни хьхьичI ххуттайн лавсьсса масьалартту. Миннугу хьхьичIва-хьхьичI шаллу бан багьлагьимур бур транспортралмур масьала. Жазиралий дакъар КIанттул инсантал ца КIаная ца КIанайн занансса транспорт.

– КIанттул ляличIишиву ХIисавравун ларсун, булун багьлай бур жазиралий бигьану занансса автомобиль, – увкунни Республикалул БакIчинал.

ХьхьичI ххуттайн лавсун бур жазира электричестволул дузал баврил масьалагу. Республикалул БакIчинал тапшур бунни шикку бургьил батареяртту ягу мурчайсса генераторду бишин бюхьлай бурив КIул бан. Дагусттаннал Цифрардал министерстволыйн тапшур бунни интернет дулаврил масьала. Му бакьассагу, жазира КIинтнил чIумуйн хIадур баврил масьала ххалбигьинтIиссар ссутнийн ва КIинтнийн хIадуршинна даврил оператив штабрай.

– Ччясса чIумул мутталай инсантуран чара бакьасса шартIру – транспорт, КIинтнийнсса хIадуршинна, энергетика, интернет – дузал дан аьркинссар, – КIицI лавгунни Сергей Меликовлул.

Гихунмай жазиралул бучIантIимунил масьалалия пикри бантIиссар КIанттул инсантурал сход рартIун. Вай чIявуми ХIакьинугу хIадурну бур, цала кьатта-кьушгу кьабивтун, бигьасса шартIру дусса КIанттайн бизан.

ЛяличIисса кьулагьас дунни Сергей Меликовлул цIуллу-сагьшиву дуручаврил ва КIулшивуртту дулаврил масьаларттах. ХIакьину шикку дуклакисса оьрчIачIа ишла дуллау бакьар ттизаманнул методика. Ва тагьар даххана дан аьркинни. Ва

нийн буну, Сергей Меликовлул тапшур бунни Чечень жазира лябуккан баврил личисса программа хIадур дан. Республикалул БакIчинал КIанттул инсантурал цамургу тавакью шаллу бан махь буллунни. Вайннал булунтIиссар аьркинсса чIумал чIаравсса шьраваллауун, шагьрулийн занансса катер. Катерданул мудар укьва биян буллантIиссар инсантал аьркиннийн. Сергей Меликовлул мукумна баян бунни, агана шиккусса инсантуран МахIачкьалалал цамур КIанайн бизан ччан бикIарча, мунил хIакьыраву сход дан аьркинссар куну.

### Оьруснал географиялул обществолул Дагусттаннал отделениелул даврия

РГО-лул Дагусттаннал отделение сакин дурссар 1959 шинал. Отделение зий дуссар республикалул тIабиатрал ва культуралул ирс ябавриха ва машгьур бавриха, обществолулу географиялул, экологиялул, КIулишивуртту дулаврил масьалартту ва жагьилтурал суккушинна лядуккан даврин кабакь бавриха.

Региондалул бакIчинал каялувшинналарусса заседаниелый Советрал председателнахь хьиривчур Муслим Гиндиевлул цалчинмур дачIи шинай дурсса даврил ХIасиллу дунни. РГО-лул отделениелул му чIумул лажиндарай таманлиса давуртту дунни. Дарбантлив тIивтIунни КIанттул отделение. Республикалул шагьрурдай дунни «Ночь географии» акция. Итабавкьунни Петр Цалчинманал Персиянавунсса походраясса монография. ЛяличIисса кьулагьас РГО-лул дуллау бур оьрчIащалсса даврия. Дуклаки оьрчIан дунни цIусса форматрал экскурсияртту ва занятияртту – «НЕуроки географии» цанилулсса. Гиндиевлул мукумна бивсунни Каспий хьхьирил зуманвинсса тарихрал ва географиялул экспедициялул даврия. Ванал бусласимунийн буну, аьлмитуран Дарбант бусса КIанттурдачIан гьанну, хьхьирил чIанулу, льякьуну бур хьхьичIвасса якорьду. Гихуннайгу хьхьирил зуманис аьркинсса давурттив дуллансса элмийсса материал рартIун дур. Вай давурттал ахирмурад бур Дарбантуллул зумахьирагьрай Аьрасатнаву цалчин ицинал лувсса хьхьирил порт баву.

– Аьрасатнал РГО-лул регионнал отделениерттаву жува 59-мур КIанттая 20-сса КIанттайн буюкчу. Мутамансса хьхьичIунмай хьит учавур. ХIакьину Чечень жазиралий хьусса заседаниелыйн буну, жуцава, географиялул, экологиялул, тIабиат ишла даврил масьалартту бакьассагу, цаппара социал масьаларттугу цаллу бан бюхьан тIий бур, – увкунни ванал.

РГО-лул Дагусттаннал отделениелул каялувчи Эльдар Эльдаровлул бивсунни ларгсса шинал хьусса «Персидский поход Петра Великого и его итоги. Взгляд через три столетия» тIисса Шалагу Аьрасатнал элмийсса ва практикалул конференциялия. Мероприятие хас дурну дия Аьрасатнал цалчинсса императорнан 350 иши шаврин.

Ахирданий Сергей Меликовлул Попечительтурал советравун цIуну бивхьминнан буллунни «Русское географическое общество» тIисса Шалагу Аьрасатнал жяматийсса организациялул билетру.

Июльданул 12-нийн Дагусттаннал БакIчи Сергей Меликов-даврисса хьаннил гьурттушиннаран хас дурсса совещание дунни. Республикалул хьунаманачIан оьвкуниннавух бия Аьрасатнал Виричур НурмахIаммад ХIажимахIаммадовлул нину Сапиджат Мазаевагу.

## Хьаннилмур бияла хьунмассар



ПатIимат РАМАЗАНОВА

Меликовлул КIицI лавгунни Дагусттаннай жяматийсса организациярал, хаснува хьаннилминнул, бияла хьунмасса бушиву, хьами гьармудангу, кулпатрал хьаргу ларсун, жяматрал оьрмулул иширттавах чялишну хIала буххайшиву. Ванал, ва КIанугу ХIисавравун лавсун, махьминнан абратрансса инсан бушиву КIицI лавгунни ххалилсса арснацIа хьусса, НурмахIаммадул нину, цуксса кьурчIисса кьовулул бас буллау бухьурчагу, шавуи кагу дирхьуну, цила арснал чувнал, патриотнал, абраличувнал бурж биттур бушиву, цала кулпатрал хьхьичIисса бурж биттур бушиву Дагусттаннал лагрулий исват буллалисса.

«Талатаврил майданнив саллатIнал бакIраву цукунсса пикрирдур бикIайсса? ХьхьичIва-хьхьичI, аьралий бурж лайкьну биттур буван хьунния тIисса. Яларив, шаппаминнал, ичIу-вачириннал ци учинавав тIисса. Цуксса хIайпнугу, хасну ттула ттуламур бакIраву бикIайва мукумсса пикрирду. Аьралий задача биттур бувайхту, дакI паракьат шайссар, утти ттуяту ттула буцирив пахрулий бикIантIиссар тIисса пикрицIакь шайссар. Жулла цIанийри виртавал жанну дулайсса», – увкунни Меликовлул.

## Калининградуллул улклул аьралитурансса концертру

Шанма гьантлул мутталай, июльданул 7-10-нийн, архсса Балтийск ва Калининград шагьрурал Офиертурал кьатраву «Лезгинка» ансамбльданул коллектив бия концертру ккаккан дуллау. Вай цирдагу хьуна «Росконцерт» ФГБУК-рал шаллу дуллалисса театрал ва музыкалул «Сила искусства» тIисса цIанилулсса проектрал лагрулий.

Бадрижамал АБЛИЕВА

Гастроллу цукун хьуссарив Дагусттан Республикалул культуралул министр Зарема Буттаевахь бивсуна «Лезгинка» ансамбльданул генеральный директор, Халкьуннал Фронтрал региондалийсса штабрал сопредседатель Жамбулат МахIаммадовлул. Ванал мукумна бивсуна вава зуруй ансамбльданул артистьтурал планнаву бушиву жулла республикалул лагерьдай бигьалагьисса

Ванал хьинчулий ккарккунни СВО-раву гьуртту хьанахьиминнал кулпатиртан ка-кумаг буллалисса жяматийсса ккуруннал давугу. Дагусттаннал Хьаннил союзрал хьунмур Интизар Мамутаевал бивсунни, хасьсса аьралий операция байбишайхтува кьулагьас дуллау бивкIшиву мукумсса кулпатиртта. «Нитти-ясса посылка» тIисса акция бушиву аьрайн посылкартту гьан дуллалисса. Вай посылкарттаву оьрчIал суратру ва чагьардугу бивкIшиву талаталтрал дакIру тирх учин дуваншивул. Бивсунни МахIачкьалаливсса Илиясовхьал кулпатрал дурсса даврия, окопирттаву аьркин багьлагьисса хьамул чирахьру буллау, аьрайн тIайла буклай. Вайннал кулпатрал цалалу мукьазарунни ливчусса хьамул чирахьру тIайла бивкIшиву. Мукумна Ростоврайсса аьралий госпитальданийн 20 тонна гуманитар гивулул тIайла дуркшиву. «Единая Россиялул хьаннил суккушинна» тIисса проектрал координатор Елена Ельниковагу бивсунни аьралитурал ва миннал кулпатирттал кумагран дурцирив ва дуллалицирив давурттая. Меликовлул совещаниялул ахирданий тапшур бунни, аьралитурал кулпатирттан кумаг буллалисса даву сантирайн рутаншивул, жяматийсса организациерттал Координационный совет хIасул буван.



Цусса къуллугъ

## Жяматийсса палаталул цусса хъунама увчунни

Июльданул 10-нний хъунни Республикалул Жяматийсса палаталул мыйлчинмур созыврал заседание. Шикку бувчунни палаталул хъунама ва ванал хъиривми. Чявуминнал чурду булду, Жяматийсса палаталул хъунаману увчунни Аъзизбаг Черкесов. Ванал хъиривмину бувчунни Шамсият Насруллаева, Ссапарбаг Абдуллаев ва Абсалуттин Мурзаев.



Аъзизбаг Черкесов



### Патимат РАМАЗАНОВА

Улубийл арс Аъзизбаг Докузпариннал райондалийсса Усухчай шяраватусса ур, зий ивкун ур Аьрасатнал ФСКН-лул Дагъустаннайсса управлениялул хъунаману, къуллугъ къабивтесса налогирттал полициянал генерал-майор ур.

Вара заседаниялий бувчунни палаталул комиссиярдал хъунимигу. Диннал ва миллатирттал дянивсса арардалсса буллантисса комиссиялул хъунама ивтунни Руслан Луговой, Цуллушиврулсса ва социал политикалулсса – Руслан

МахIаммадов, Жагьилтурал иширтталсса, спортралсса ва патриот тарбия дулаврилсса – Аьлибаг Казанбиев, Клулшиву дулаврил, элмулул ва культуралул – Бика Аьлиева, Экономикалул политикалул, туризмалул ва экологиялул, бизнесрал ва АПК-лул масъалартталсса буллантисса комиссиялул – Юкруттин Салимханов. Интизар Мамутаева бивтунни Ветерантурал иширтталсса, аьралитурал кулпатиртталсса буллантисса комиссиялул хъунмурну, Мамма Маммаев – Строительстволул, архитектуралул ва ЖКХ-лул масъалартталсса буллантисса комиссия-

лул хъунаману. Кахриман Аьшуров Инсантурал граждан ихтиярду дуруччавриха зунтисса комиссиялул хъунаману ивтунни.

ДакIнийхтуну барча буллаи буру Жяматийсса палаталувун бувчуми, хаснува лакрал вакилтал – Ссапарбаг Абдуллаев ва Мамма Маммаев. Ссапарбаг Абдуллаев ва палаталул давриву уттинингу цува бюхъу-хIарачат бусса, агъалинал къайгъурдалсса бунан чялиш увкнущасса активист ушиву ккаккан бусса инсан ур, Мамма Маммаевгу машгъурну ур бюхъубсса жяматийсса ишккакку хIисаврай. ЧIа учинну вайннан тIайлабацIу!

Республикалул Жяматийсса палаталул цусса хъунама увчаврил хIакъиравусса цалвамур пикри бувсунни ва кIицI лавгсса палаталул хъунаманал хъиривчув Ссапарбаг Абдуллаевлул:

## Жяматийсса палаталул даву гъаз хъун аьркинссар

– Дагъустаннал Жяматийсса палаталул хъунама увчIаву гъарца чулуха хIисавравун лавсун дуван багъийсса давур. Чара бакъа къулагъас дуван аьркинссар ва къуллугъраин цIа риршуманал захIматрал биографиялух, жяматийсса давурттаву гъурттушинна даврих. Гъаннайсса, каялувчи икIан аьркинссар ва къуллугърай зун хIадурнувасса, шавхъсса, даврил мухIлу-хIин ххуйну кIулсса. Мунияту Жяматийсса палаталувун багълагъисса Бугъараминнал советравасса 45 инсаннал Аъзизбаг Черкесовлул кандидатура, ванал оьрмулул ва захIматрал ххуллугу, бюхъубажар бушивугу хIисавравун лавсун, маслихат дурссия. Ва чIярусса шиннардий ФСБ-лул органнай зий ивкIсса генерал-майор ур. Цува бюхъу бусса каялувчи ушиву ванал хъхъичIвами къуллугъирттайгу ккаккан бувну бур. Вай цимурцагу хIисавравун лавсун, ва увчIунни палаталул хъунаману.

Шиккува кIицI лаган ччай ура Жяматийсса палата 80% цIу буккан бувну бушиву ва палаталувун бувчIушиву итххявхсса мадарасса жагьилталгу. Жагьилтал тамансса бушиву – жува тIайласса ххуллийх най бушиврул барашиннар, гъунттийсса къинилул бурруккиттарай бушивугу аьлтта чIалачIисса затри. ЛичIиличIисса давурттай цала бюхъубажар, гъунар ккаккан бусса

Июльданул 10-нний хъусса Дагъусттан Республикалул Жяматийсса палаталул цалчинсса пленар заседаниялий цIуну увчIусса председателна хъиривчуну уттигу цIакъ унни Аьли арс Ссапарбаг Абдуллаев.

ДакIнийхтуну барчагу уллай, чIа тIий буру жула муданасса дуснан, Ссапарбагун, цуллушиву, талихI, тирхханну! Барачатну бацIаннав вил къуллугъ винмагу, вилацириннангу, лакрангу, шала республикалунгу!

«Илчилул» редакция



Ссапарбаг Абдуллаев

активистал бур. ДакI дарцIуну ура, Аъзизбаг Черкесовлул каялувшиврийну палата лавхъсса даражалийн гъаз хъунтIишиврийн. Мукуна дакI дарцIуну ура, политикалул, шяраваллил хозяйстволул, экономикалул, социал къайгъурдал, строительстволул, гъаннайсса, гъармунийн багълагъисса масъаларттах къулагъас хъун хъунтIишиврий, даву лавийсса даражалийн гъаз дуваву мурадрайсса маслихIатру буллантIишиврийн, – тIий ур Ссапарбаг Абдуллаев.

Жугу чIа тIий буру тIайлабацIу ва ва оьлувкъусса заманнай агъалинал масъаларттаха сантирай ва лябуккулий зунсса цуллушивугу, гъирагу.

### Имара САИДОВА

ДакIнийн бутанну, Дагъусттаннал БакIчи Сергей Меликовлул Запорожулал областьрайсса Михайловский райондалийн пишкартал кIункIу баврил масъала гъаз бувссия 2023 шинал июндадул 19-нний хъусса экономика мюнпат буну лядуккан даврин хас дурсса оператив штабрал заседаниялий.

Республикалул БакIчи Сергей Меликовлул хIукмулийн бувну, ДР-лул захIматрал министр Мурад Казиевлул ДР-лул КIулшивуртту дулаврил ва элмулул, Дагъусттаннал Цуллуцагъшиву дуруччаврил министрствардашал, Республикалул ЗахIматрал инспекциялул сакин дурну дуссия Михайловский райондалий зунсса пишкартал язи бугъансса ярмарка.

Вакансиярттал ярмаркалий гуртту хъунни ялув кIицI лавгсса ведомствардал вакилтал. Вакансиярттал ярмаркалийчIин давуртту лякъинсса аьрзи булду бия 137 инсаннал.

ВидеосвязьрайхIин хъунни Михайловский райондалул Агъали давурттал дузал баврил центрданул хъунмур Ма-

## Запорожуллаи зун ччиминнан

Июльданул 12-нний ДР-лул ЗахIматрал министрствалул Агъали давурттал дузал байсса центрданий хъунни «Михайловский день Занятости» тIисса регионал дянивсса вакансиярттал ярмарка.

рина Подольковашалсса прессконференция.

Ярмаркалул гурттучитуралчалсса конференция бачин бувну бия ЗахIматрал министрствалул Агъали давурттал дузал байсса управлениялул хъунмур Айна Атекова. Ванил кIицI лавгунни, мероприятие даврил агъаммур мурад хъанахъишиву Михайловский райондалий давурттал шаллу буллалми ва Дагъусттаннал республикалий давурттах луглагими чачIун баву.

Михайловский райондалийсса 8 идаралул презентация дунни 59 журулул вакансиярттал. Давурттал дузал буллалминнал бувсунни даврийн къамул баврил шартIирдая ва пишкартурал чулухуннайсса тIалавшиннардая. Давурттах луглагиминнал цIухху-бусуртту бунни харж цуксса бикIантIиссарив, ялапар хъун-



сса шартIу цукунсса дуссарив ва цаймигу масъаларттая.

МахIачкъалалал Агъали давурттал дузал баврил центрданий Запорожуллаи областьрайн гъан ччисса пишкартуравух бия коммунал къуллугърай зий бивкIсса экономистътал, байби-

хулул классирттаву музыкалул дарсру дихълай бивкIсса учительтал, оьрчIал багъирдал тарбиячитал. ЯрмаркалийхIин давурттах луглагиминнал бувсунни цаятурасса ва цала чулухасса тIалавшиннардая.

Михайловский райондалул вакилтурал кIицI ларгунни давурттайн къамул буллалисса пишкартурал чулухуннайсса тIалавшиннарду. Бувсунни анкетарду, дуцIин дурну, тIайла дуккан аьркиншиву. ХIакъинусса къини Михайловский райондалул профессиональный училищалийн тIалав буллаи бур завучтал, методистътал, ОьрчIал ва чIава жагьилтурал спортшколаллийн аьркинну бур физкультуралул учительтал, музыкалул школаллийн аьркинну бур музыкалул инструментру бишун кIулсса пишкартал, азарханалийн тIалавну бур рентгендалул кабинетравунсса лаборанттал, хирургтал, терапевтътал, неврологтал ва анестезиологтал.

Ярмаркалул давривух видеосвязьрайхIин гуртту хъун-

ни Республикалул ЗахIматрал министрствалул биялдарайсса Агъали давурттал дузал байсса циняв центрду. Давурттал дузал баврил хIакъиравусса суаллу булунни Сулайман-Стальскалал, Лавашиял, Казбекулал, Лакрал районнал, Избербаш, Каспийск ва Къизлар шагъурдал Агъали давурттал дузал байсса центрдал.

Михайловский райондалул Агъали давурттал дузал байсса центрданул зузалтрал кIицI лавгунни чачIанма зун бучIан ччисса пишкартурал гъартагъарзану цаятува ва аьркинсса тIалавшиннардая чивчуну гъан бан аьркиншивугу, пишкарнал стаж ва лайкъшивуртту хIисавравун ларъссса харж буллантIишивугу.

Ярмаркалул лагрулий республикалул къатIув зун наниминнал характеристикарду тIайла дуккантIиссар Михайловский центрданийн.

Шиккува кIицI лаган, ДР-лул ЗахIматрал министрствалул «Работа в России» тIисса платформалийн буссар Запорожуллаи областьрай зун гъан ччисса пишкартурансса вакансиярттая гъартагъарзану бувсун.

## Цусса кьулугъ Журналистътурал союзрал цусса хьунама

Июльданул 11-ний Дагъусттаннал Журналистътурал союзрал бувчавуртту дуллалисса конференциялий Республикал Журналистътурал союзрал хьунаману увчунни лазгиял кказитрал хьунама редактор МахИаммад Ибрагьимов.



ПатГимат РАМАЗАНОВА

Ва кьулугърайн кИия кандидатнал ца риршуну дия: ДГУ-рал журналистикалул отделениялул печатърал СМИ-рдал кафедралул хьунама ХИамид Абдуллаевлул ва «Лезги газетрал» хьунама редактор МахИаммад Ибрагьимовлул. Конференциялий ХИамид МахИаммадовлул бувсунни цува, Дагъусттаннал муфти АХИмад-хIажи Абдуллаевлул маслихатрайн буну кандидатура дукълай ушиву.

Цусса хьунаманал кандидатура хьинчулий ккаклакисса ихтилатру бунни Дагъусттаннал БакИчинал ва ХИкуматрал администрациялул информатикалул политикалул хьунама Рашид Акавовлул, «Илчилул» хьунама редакторнал хьиривчув Руслан Башаевлул, «Дагъусттаннал правда» кказитрал хьунама редактор Бурлият Токболатовал. Вайннал КИИЦ лавгунни МахИаммад хьунама редакторну увчунни махъ кказитрал даву аьлтта чIаланну ххуйсса даражалийн гъаз хьушиву. Цинявннал чIурду буллуну увчунни МахИаммад Ибрагьимов.

Ванал цала ихтилатраву, дурсса вихшаларахлу барчаллагъ тIий, бувсунни миллатирттал СМИ-дай узими хIадур булланшиврул ДГУ-рал филологиялул факультетрай оьрусдагъусттан отделениялул студентътуран стипендияртту, премияртту дуллалисса фонд хIасул буван аьркиншиву. Бувсунни журналистътурал ихтиярду дурччин хIарачат буллантишиву ва журналистътурал захIаматрал кьадру гъаз буваншиврул ме-



МахИаммад Ибрагьимов

ценатътал, спонсортал кIункIу буллалисса пикрилий ушиву. МахИаммад Ибрагьимов «Дагъусттаннал лайкь хьусса журналист» тIисса ца цалчин ларминнавассар, ва цIанин лайкь хьуссар гъашину. Ва ур лазгиял публицистикалул Рамил Микаиловлул цIанийсса премиялул цалчинма лауреатту. ХIасан Алкьадарил цIанийсса культуралул ва просветительский центрданул хьунамагу.

Ва 2005 шинал дуклан увхун ур Дагъусттаннал педагогикалул университетрал дагъусттан филологиялул факультетрайн. 2011 шинал аспирантуралувун дуклан увхун ур, Аьзиз Алемлул творчество ахтар дуллалисса диссертация чирчуну дур. ДГУ-рал филологиялул факультетрал журналистикалул отделение кьуртал буну бур. Журналистикалул зун айивхьуну ур 2009 шинал, «Голос Куруша» тIисса кказитрал жаваб дулайсса секретарьну. Вава даврий зий унува «Лезги газетрал» собкоррнугу зун ивкIун ур. 2017

шинал «Лезги газетрал» хьунама редакторну увчуну ур. Ва ур «Рассвет вдохновения» луттирал (2009 ш.) автор, Куругли Ферзалиевлул уртакьну итабавкьуну бур школартансса лазгири мазрал пособиартту. Ниттил маз ва культура ядан буллалисса хIарачатрахлу 2012 шинал ва лайкь хьуну ур Дагъусттаннал халкьуннал шаэр Юсуп Хаппалаевлул цIанийсса Республикалул премиялунгу.

ДаКIнийхтуну барча улай, жугу умудрай буру, ванал хIарачатрайну миллатирттал прессалухсса кьулагъас хьун хьунссар, ххуйчулиннайсса дахханашивуртту хьунссар тIий.

Дагъусттаннал Журналистътурал союзрал цусса председатель увчаврил хIакьиравусса цаппара пикрирду:

Абдуразакаь Жамалуттинов, Дагъусттаннал информациялул ва печатърал агентстволул хьунама:

– МахИаммад Ибрагьимов журналистътурал хьунаману увчIаву ванал цува каялувшиву дуллалисса изданиялий даву дюхъан дуваврин бившусса кьиматри. Жагьилсса, бюхъу-базар бусса каялувчи журналистътурал организациялул даву цIу дуккан дувансса, республикалул журналистътурал мурадру кьанкьану буручлансса ниятрай ур. Агентствогу ванал дуллалисса даврицIун кабакьу буллантиссар, уртакьну, бавкьуну зунтIиссару.

Бурлият Токболатова, «Дагъусттаннал правда» кказитрал хьунама редактор:

– Ва, Аьрасатнал Журналистътурал союзралгу хьинчулий ккарксса, лайкьсса кандидатурал. МахИаммад ттун кIуллу 2016 шинная шинай. Таний на печатърал ва информациялул министрну зий буссияв, гьамин, та ппурттуву ивтссия МахИаммад лазгиял миллатрал кказитрал хьунаману. Цайнна дурсса вихшала цIакь дурну, жаваблувшинна кIулну зий ур, журналистъталгу ванал лагма лагансар тIисса умуд бур.

Арсен Юсупов, «Дагъусттан» Этномедиахолдингал хьунама:

– На ххарину ура Журналистътурал союзрал каялувчину гьамин миллатрал прессалул вакил увчIаврия, цувагу цалчинминнавух Дагъусттаннал лайкь хьусса журналистнал цIа ларьсса. Ванал коллегахъшалсса ххуйсса арадрдугу дур, инсан хIисаврайгу, редактор хIисаврайгу ванал хIурмат бур, кказитрайсса даврил оьпгту биалсса бур. Шавкьирай кказитрал даву гъаз дурсса инсан ур.

## «Илчи» кказитрал цусса хьунама редактор



Руслан Башаев ва Руслан Кьардашов

Миллатирттал СМИ-лул кказитру цачIун буну цIуну сакин Мбувсса «Дагъусттан» тIисса Этномедиахолдингал вив хьунни цаппара дахханашивуртту.

«Илчи» кказитрал хьунама редакторну итан цIа риршунни уттинин хьунама редакторнал хьиривчувну зий ивкIсса Руслан

Кьардашовлул. Хьунама редакторну зий ивкIсса Руслан Башаев ивтунни хьунама редакторнал хьиривчувну.

## «Илчилул» хьунама редактор Журналистътурал союзрал правлениялуву



П. РАМАЗАНОВА

Дагъусттаннал Журналистътурал союзрал цусса правлениегу бувчунни. Вайнна цусса члентурал шарду: Аьлиханова Луиза, «Дагъусттан» ГТРК-рал директор; ХIамзатова Камила, «Дагъусттан» РГВК-рал гендиректор; Юсупов Арсен, «Дагъусттан» Этномедиахолдингал хьунама; Кьардашов Руслан, «Илчи» кказитрал хьунама редактор; Каримова Динара, ДГУ-рал филологиялул факультетрал журналистикалул отделениялул заведующая; МахИаммадов МахИаммад, «Дагъусттан» РИА-лул гендиректор; Меликов Вефадер,

«АиФ в Дагестане»; Прокопенко Леся, «Тарумовский информационный центр» МБУ-рал хьунмур; Сагитов ХIажимурал, «Новое дело» кказитрал хьунама редактор; Токболатова Бурлият, «Дагестанская правда» кказитрал хьунама редактор; Уразаева Любовь, «Голос степи» кказитрал жаваб дулайсса секретарь.

Цусса правлениялул члену «Илчилул» хьунама редактор Руслан Кьардашовгу увчIаву ванал бюхъу-хIарачатран бившусса кьиматри ва вихшалар. Руслану кьуртал бувссар Дагъусттаннал университетрал журналистикалул факультетрал магистратурагу, чIарусса шиннардий кказитрал даврий зий биалсса оьпгту бусса, даврил мухIлу-хIингу кIулсса, кIулушивуртту куртIгу, цIакьгу дуллалисса пишакарди. Зий уссия «Дагъусттаннал правда» кказитрайгу, телевидениялийгу.

Жу умудрай буру вагу, махъсса цинявнпагу республикалул журналистикалул даву лавайсса даражалийн гъаз дуваву мурадрайсса хIарачатрай зунссар тIий. Ча тIий буру ва ххулийгу тIайлабацIу!

## Миллатрал прессалул вакил — журналистътурал хьунама

Руслан КЬАРДАШОВ

Ца чулуха бургарча, лазгиял миллатрал кказитрал хьунама редактор МахИаммад Ибрагьимов Дагъусттаннал Журналистътурал союзрал председателъну увчIаврива чIалай бур махъсса ппурттуву миллатрал прессалухсса кьу-

лагъас кьачан хьуну душивуча, ялунгума дагъусттаннал медиалул дунияллий цусса трендну хъанахъишиву. Вава иширал барашин дуллалиссар кIанттул медиарынокрай цIакьсса кIану бувгъусса «Этномедиахолдинг «Дагестан» хIасул дуваврилгу. Вамур чулуха ябитарчарив, дагъусттаннал электрон

СМИ-даву хъхьичIунсса сетевое издание духъувкун «Лезги газет», бувчIай бур информация агьалиначан биян бувварил цусса кьайдарду сийлуву душиву ва му ххулий чялишну зун багълай бушиву. Мунияту, МахИаммад Ибрагьимовлул тIайлабацIу буну, бюхъулий дачин дуванссар тIий

ура «гъанулул, мархралмур, миллатралмур» бутIул даву-гу, чIумул тIалавшиннардайн буну цусса «цифровое, конвергентное» хьаргу. Гьаннайсса, кIирагу хьар бюхъулий цанницIун ца дакьин дурну, дюхъан дурну даву дуллалссар тIисса умуд бур. Гъай-гъай, цIуну увчIусса председатель-

нан бигьану кьабикIантIиссар дагъусттаннал журналистикалул жура-журасса дунияллий гьарзат хIисавравун руртун, дакьин дурну, аякьалий ва бюхъулий зун.

ДаКI дарцIуну ура даву дюхъан дувантишиврий. ТIайлабацIу баннав!



Ккуллал райондалия

## Ирглийсса батIаврий ххал бивгъусса масъалартту

Ккуллал райондалул бакIчи Шамил Рамазановлул каялувшин-наралу хъусса ирглийсса совещаниелий ххал бивгъунни аьр-ши сукку хъуну, хъяжруду дагъсса чIиртту бакъин баврил, нало-гру ратIаврил, школартай ремонт даврил, инвестициярдал ва ту-ризмалул масъалартту. Совещаниелул даврий гьуртту хъунни рай-ондалул администрациялул идарарттал каялувчитал ва шярвал-лал бакIчитал.



Имара САИДОВА

Строительствалул ва ремон-трал масъаларттал хIакъираву Шамил Рамазановлул тIалав бун-ни дуллалисса давуртту лавайсса даражалий ва анаварсса мутталий кьургалдаву. ЛичIиссара кьулагъ-срайн лавсунни, Хъювхъиял шяр-авасса, СВО-лий гьуртту хъанахъис-са аьраличувнал кулпатрал кьатрал чIиртту бакъин баврил масъала.

Налогирттал хIакъираву тIурча, шархъал администрациярттал

бакIчитурайн тапшур бунни нало-гру датIаву низамрайн дуцин.

Туризмалул ва инвестициярттал масъалартту гъаз буллай, кIицI лав-гунни райондалий физкультурно-оздоровительный центр бан пи-крилий бушиву. Ва масъалалул хIакъиравусса кьутIи чирчуну дур ПМЭФ-рай. ЧIал кьавхъуну дайдишинтIиссар объектрал стро-ительство. Комплекс бантIиссар Хъусрациял шяраву. Проектрал строительство дацIлай дур 30 мил-лиондалун.

## ТIивтIунни оьрчIру бигъалагансса лагерь

Ккуллал райондалийсса Ккуллал 2-мур школалий ТIивтIунни оьрчIру бигъалаганшиврул хIасул дурну дур ххаллилсса шартIру. ОьрчIру бялахъан баву мурадрай сакин дурну дур походирттай занансса, экскурсияртту буллансса, викторинартту дуллансса, шахматир-ттай, шашкардай, ттуплий буклансса ва цаймигу мероприятияр-ду дусса авадансса программа.



ОьрчIан итабавкъуну бур школалий спортрал мероприя-тиярду дуллансса спортзал, дукра дукансса столовая, футболданий буккансса майдан, тIуркIурду бансса парк ва чIярусса цайми-гу шартIру.

Дяхтта школалий ТIивтIусса лагерьданий бигъалаган бюхъ-лай бур 6,5 шинава 10 шинавун биянинисса оьрмулул шиннал

оьрчIаша.

Лагерьданийн заназисса оьр-чIан кинилун кIийлла гъиллисса дукра дуллай бур.

Лагерь тIитIаврил агъаммур мурадгу хъанай бур оьрчIал цулулушиву дуроччаву, ми бю-хъайсса кьусса хъунмасса хIаллай гъавалийн буккан баву, кьатIу-шавсса тIуркIурдахух гъан ба-ву.

Вай гъантрай Ккуллал райондалул бакIчи Шамил Рамазанов хъунаавкъунни СВО-рай кьуллугърал бурж бартбигълай жан дуллусса Хъусрациял шяравасса аьраличув, Муртазааьли арс Аьли Цимпаевлул матч-гъаннашал.

## Виричувнал гъанминнащал хъунаавкъунни



Имара САИДОВА

Шамил Рамазановлул район-далул жяматрал ва цала чулухас-са дакIнийхтунусса жижара бун-ни дязанний оьрмулуца хъусса прапорщик Аьли Цимпаевлул

буттахъ, уссурваврахъ, ссурвав-рахъ ва гъан-маччаминнахъ.

Ванал чувшиврун бюхттулс-са кьимат бишлай, Аьрасатнал Президент Владимир Путиннул указрайн бувну, аьпалул хъуну махъ ПаччахIлугърал ларайсса

награда «Къучагъшиврул ор-ден» дуллунни Аьли Цимпа-евлун.

– Жу хIарачат банну, зул кью-ву чансса дунугу лагъ даву му-радрай, кумаг буллай, чIарав бацIан. КIулну бикIияра зушал архIал дард кIидачIлай чIарав жугу бушиву. Жула чулухарив мударну хIадурну буссару иш багъний махъ бацIан. Зул кул-патран дагъайсса выплатардал хIакъиравусса масъалартту жула аякъалийн ласунтIиссар. Хасъ-сса операциялуву гьуртту хъан-най бивкIсса аьралитурал кул-патирттал чIарав бацIаву – жул буржри.

Аьли Цимпаевлул виричувну жан дуллуссар аьралий бигарду бартбигълай. Оьсса талатавриву кIусса шаву дирну ххассал кьав-хъуну ур.

Шиккува кIицI лаган, июнь-далул 22-ний Къучагъшиврул ордендалул кавалер Аьли Цим-паев дуклай ивкIсса Хъусраци-ял школалул чIирай ларчIунни ванал аьпа абад буллалисса мар-марчарил ула.

Аьлил ппу, оьрмулул угъара хъусса Муртазааьли Цимпаев, ур Венгриянал дьавилул иширт-тал ветеран. БувчIлай бур цук-сса захIматну буссарив угъара хъусса буттан арснал бивкIуллул дард духIан. Ци банссар, аьра-личувнал пишалул бурж Ватан дуроччаву бур.

## Эбратну кьуллугърал бурж бартбигълай

Ккуллал райондалул администрациялул бакIчи Шамил Рама-занов хъунаавкъунни СВО-рай мобилизоват увну ивкIсса, цана отпускалий шавай занна хъусса Хъусрациял шяравасса Оьмаев Назимлушал.



Мобилизация баян бувния махъ СВО-рай гьуртту хъанай ивкIсса Назим цалчинни цала нитти-буттачIан, кулпатрачIан ия увкIсса.

Хъунабакъаврий Назимлул бувсунни цала аьралий кьуллугъ-рая, архIал талатисса гъалмахтур-рал къучагъшиврия ва хъуна-дакIлакьисса захIматшивурттая. Барчаллагъ увкунни СВО-рай

гьуртту хъанахъисса аьралиту-ран буллалисса кумаграхлу ва мобилизоват бувминнал кулпа-тирттах дуллалисса аякъалухлу.

Райондалул бакIчиналгу кIицI лавгунни, мударну ххари-ну ушиву СВО-рай гьуртту хъан-нахъисса аьралитурал хъуна-акълан ва миннах цащара шай-сса аякъа дуллан.

– Бигъану бакъар хIакъину

жулва жагъилтуран. Цимил-гу ккаккан бунни жула аьрали-турал цивпа цалва кьуллугъ-рал буржру дакIнийхтуну барт-бигълай бушиву. Назимлул ва хIакъину кьуллугърал буржру бартбигълагъисса цинявпагу аьралитуран чIа тIий ура, ххув-шавугу ларсун, цулулуну-сагъну махъунмай занна шаву, – увкунни Шамил Рамазановлул.

Шиккува кIицI лаган, СВО-рай гьуртту хъун лавгсса На-зимлуя жун уттинингу цик-ссагу ххуйсса хаварду баяйва. Ванашал архIалсса жула ла-ккуоьрчIру буслай бия Назим хъинну захIмат ххирасса, канива букъаккайсса пиша бакъасса, аь-ралитурал авкъусса, хъинну ххуйсса инсан ур тIий.

Оьрмулул кьулайсса шартIру дакъасса окопирттаву ялапар хъун багъсса аьралитал, Назим-лул кумаграйну бувцуну ттукIгу, чIумуйнуса ялапар хъунсса шартIругу дузал дурну, аьралий буржру бартбигълай бур. Лагма-ялттуса окопирттаву ялапар хъунсса шартIру дакъар тIий аьзрирайсса аьралитурал ко-мандир тIий ивкIун ур: «Бурги-яра ва дагъусттанлувнал дурсса давурттах, вагу зу кунасса аьра-личуври, ваная эбрат ласияра», – тIий.

Лакрал райондалия

## Туриндустриялул вакилтал Лаккуй

Гъумук Лакрал райондалул бакIчи Юсуп МахIаммадов хъунаавкъун-ни туризмалуву зузисса пишакартурашал. Вайнащал хъусса ихтила-траву бакIчинал кIицI лавгунни, район хIадурну душиву туризм шурущи дуллай сукку хъун ва цIу-цусса хIаллихшиннарду хIасул дуллан.

З. АБДУРАХИМАНОВА

«Туризм махъсса шиннардий унгу-унгуну тIутIайх дичлай дур республикалий. Жул райондалийгу ва масъалухсса кьулагъас гихун-най ххи дуллантIиссар. Цана зий

бур умунил ялув. Туризм лябукку буну шурущи даврийну цимивагу масъала дузал бан бюхъантIиссар: ччарча маэшатрал, ччарчагу агъали давурттал шаллу баврил», – увкун-ни Юсуп МахIаммадовлул вайнна-шалсса хъунабакъаврий.



Лакрал райондалия

# Ттуршра шинал лахъишиврийсса манзил


Гъумук, Лакрал райондалул администрациялул залдануву, хъуннасса шадлугърай кИиЦ ларгунни «Ххяххабаргъ» кказитрал 100 шинал юбилей.

Зулайхат ТАХАКЪАЕВА

Му агъамшиву ххисса мажлисрай гьурттушиву дулай бия Лакрал райондалул бакIчи Юсуп МахIаммадов, «Илчи» кказитрал хъунама редактор Руслан Башаев, журналистикалул ветерантал, райондалул идараттал каялувчитал, школарттал директортал, бусравсса хъамал ва цуппа «Ххяххабаргъил» коллектив.

Совет власть сакин хъуну дурагу кИира-шанна шинава, 1923-кусса шинал, Гъумук бувккун бур дуняллийн «ЗахIматчи» тIисса цIанилусса райондалул кказит, Лакрал РКП-лул окружной комитетрал ва исполкомрал орган хIисаврайсса. «ЗахIматчи» кказитрал цалчинма редакторну хъуну ур чичу, революционер, журналист Ибрагъим-Халил Къурбанаблиев. Муния махъ кказитрал цIа даххана хъуну дур шамийла – «ЗахIматчи» («Труженник»), «Щусса ххуллу» («Новый путь»), «Ххяххабаргъ» («Заря»).

Мажлис бачин бувну ия Лакрал райондалул хъунама Юсуп МахIаммадов. Мунал лавхъуна «Ххяххабаргъил» коллектив барча буллалисса ва райондалул тарихраву кказитрал бугълай бивкIсса ва хIакъинугу бугълагIисса агъамсса кIанттуясса махъ. Муния махъ райондалул бакIчинал дуллауна кказитрал хъьичIунсса зузаттран администрациялул чу-



Мусалав Мусалаев

лухасса ХIурматрал грамотартту. Ми хIалал дурминнавух бия: журналистикалул ветерантал Анисат Мусаева, Мирама Акаева, Дамадан Шамхалов, сетевой изданиялул редактор АбдулIамид Аьлишаев, компьютерданул оператор Рабият Жалиева, штатрай бакъасса корреспондент Марина Хизриева.

«Ххяххабаргъ» кказитрал хъунама редактор Мусалав Мусалаевлул бувна кказитрал хъунмасса тарихрацIунгу, хIакъинусса кьинилуцIунгу бавхIусса гьартагъарзасса доклад.

Хъирив республикалул «Илчи» кказитрал хъунама редактор Руслан Башаевлул дуллауна



Дагъустан Республикалул Информациялул ва печатьрал агентстволул цIаниясса ХIурматрал грамотартту. Ми лайкъ дурмину бия «Ххяххабаргъ» кказитрал хъунмур бухгалтер Мамлакат Богачева ва кказитрал дизайнер Аскандар Абакаров.

БавтIминнал хъьичI ялагу махъру лавхъуна Мирама Акаевал, ГъунчIукъатIрал школалул директор Малик Къушиевлул, ниттил мазрал учитель, шаэр Авдулмажид Исмаиловлул.

Ахирданий Лакрал райондалул Культуралул къатлул коллективрал ккаккан дурна концерт.

Имара САИДОВА

## Чирилул даву


# Барчаллагъ, МахIаммад!

Карашрал ва ГъунчIукъатIрал шярваллава бувккун, Лакрал райондалих нанисса ххуллул шанбачIулий хIисав шайхъунссия дякъивух, гьаралух, кIири бувсса бургъилух транспортрах ялугълай, шябикIансса кIану бакъа, бавцIусса инсантал. Вана утти буруччинсса кIану хъуну – бургияра суратрах.

къашиврул лахъи ларгунни ва даву. Шикку ттукI бакъая, генераторгу лавсун бувкIун, дарду чIирисса даву. «УрчIа канил дурмур куямунин кIул къахъунну» дан ччай ивкIра. Мудангу хIадурссара ттула буттал миналуцIун бавхIусса гьарцагу масъалалул чIарав ацIлан, – тIий ур МахIаммад.

КIицI лаганна МахIаммад кмазгу, миллатгу ххира-

сса инсан ушиву. Цуксса цува къайгъурдавун лавгун, мажал бакъа ухъурчангу, ччя-ччяни лякъай буттал шяравун иянсса чIун. Ххирар ванан цала жьмат. Ва шяраву дуллалисса гьарцагу даврил чIараву ацIай, бунияласса патриотгу ур. Шяраву дурну дур цIусса ххаллисса къатригу. МахIаммад, барчаллагъ хъунмасса! Хъиннура ххишала хъуннав вил каши, къудрат.



ттула буттал мажал ба-





ИТНИ, 17 ИЮЛЬ

05.00 «Доброе утро». (12+).
09.00 Новости.
09.20 «АнтиФейк». (16+).
10.00 «Жить здорово!» (16+).
10.50 «Информационный канал». (16+).

00.00 Д/ф «Алексей Герман. Трудно быть с Богом». (16+).
01.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

23.00 «Большая игра». (16+).
00.00 Д/ф «Владимир Маяковский. Третий лишний». (12+).
01.00 «Подкаст.Лаб». (16+).

23.00 Т/с «Миссия «Аметист». (16+).
23.00 «Большая игра». (16+).
00.00 Д/ф «Главные слова Александра Ширвинцба». (16+).

22.00 Т/с «Миссия «Аметист». (16+).
23.00 «Большая игра». (16+).
00.00 Д/ф «Михаил Задорнов. «К отцу на край земли». (12+).

21.00 «Время». (16+).
21.45 Муз. фестиваль «Белые ночи Санкт-Петербурга». Деньги триптической песни. (12+).

00.35 Д/ф «Алексей Герман. Трудно быть с Богом». (16+).
01.30 «Подкаст.Лаб». (16+).

РОССИЯ 1

ИТНИ, 17 ИЮЛЬ

05.00 «Утро России».
07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

02.45 Анастасия Веленская, Сергей Губанов, Сергей Рудзевич, Виолетта Давыдовская и Любовь Германова в телесериале «Рая знает всё!». [12+]

00.20 Торжественная церемония закрытия XXXII Международного фестиваля «Славянский базар в Витебске».

Самойленко, Зоя Бербер, Александр Голубев, Илья Антоенко, Алёна Коломина, Дарья Повереннова, Валентин Смирнитский и Анна Якунина в телесериале «Счастье не загорями!». [12+]

16.30 «Прямой эфир». [16+]
17.30 «60 Минут». Ток-шоу. [12+]
20.00 ВЕСТИ.

11.30 «60 Минут». Ток-шоу. [12+]
14.00 ВЕСТИ.
14.40 Вести-Дагестан
15.05 «Истанская Голгофа». [16+]

20.00 ВЕСТИ.
21.00 Александр Урсудяк, Пётр Кислов, Тамара Акулова, Анастасия Баялкина и Любовь Зайцева в фильме «Формула жизни». [12+]



ИТНИ, 17 ИЮЛЬ

07.00 Время новостей Дагестана. Итоги.
08.00 Мультфильм 0+
08.30 Х/ф «Влюбить и обезвредить». 16+

04.25 Передача на табасаранском языке «Мил» 12+
05.00 «Служа Родине» 12+
05.15 «Выходные на колесах» 90 с. 16+

07.20 Передача на даргинском языке «Адамти ва замана» 12+
08.00 Мультфильмы 0+

07.20 Передача на даргинском языке «Адамти ва замана» 12+
08.00 Мультфильмы 0+

04.10 «Молодежный драйфт» 12+
04.40 Передача на аварском языке «Паланги памалти заманти» 12+

03.40 «Мир Вашему дому» 12+
04.00 «Глобальная сеть» 16+
04.35 Передача на кумыкском языке «Халк ва заман» 12+

05.10 «Выходные на колесах» 92 с. 16+



ИТНИ, 17 ИЮЛЬ

05.25 Т/с «Возвращение Мухтара». (16+).
06.10 Д/с «Моуниверситеты. Будущее за настоящими». (6+).

00.00 Т/с «Ментовские войны». (16+).
00.20 «Основано на реальных событиях». (16+).

00.00 Т/с «Ментовские войны». (16+).
00.20 «Основано на реальных событиях». (16+).

00.00 Т/с «Ментовские войны». (16+).
00.20 «Основано на реальных событиях». (16+).

00.00 Т/с «Ментовские войны». (16+).
00.20 «Основано на реальных событиях». (16+).

01.00 Инфосит. (16+).
01.35 «Квартирный вопрос». (16+).

01.00 «Самое смешное».
23.25 «Маска». (12+).
02.25 «Диккий ответ». (16+).



## Цуссалакрал райондалия Гъинтнил лагерьдан кабакъу буллай

АФ-лул Паччахьлулгърал Думалул депутат Жамалуттин Хасановлул бахшиш дунни спортрал инвентарь Цуссалакрал райондалул школардачасса лагерьдан.



Июльданул 7-ний «Дружба» тисса Цуссачуртгашиял 2-мур школалучасса дяхтгасса лагерьданийн увкунни АФ-лул Паччахьлулгърал Думалул депутат Жамалуттин Хасановлул кумагчи, Дунияллул халкъуннал дянвсса Жяматийсса палаталул президиумрал член Керимхан Умаханов. Бусравсса хъамаличув хунаавкъунни райондалул Клушиву дулаврил управлениялул хъунмур Светлана Кудавал, Цуссачуртгашиял 2-мур школалул директор Абли Махаммадовлул, Банайюртуллал школалул директор Арслан Шариповлул, мукунма лагерьданийсса оьрчал ва тарбиячитурал. Керимхан Умахановлул барча бунни оьрчуру ва тарбиячитал депутатнал ва цала цания, бусунни цува райондалийн учлавил мурад: гъинтнул оьрчуру бигъалагаврил, ми спортрахун ва культуралул иширтахун бичаврил, терроризмийн ва экстремизмийн кърши бацлаварил даврин кабакъу баву.

Ванал Светлана Кудавашал ва лагерьданул директорнашал ххал бунни дукра дайсса ва дукайсса кванттурду, бигъалагаврил

миннал дука-хачиялул тагъар. Мукунма вай бивкунни школалул лагма, ххал бунни спортрал заллу ва майданну, ихтилат хунни туризм хъхъичуннай даврил хакъираву.

Хъирив вай бивкунни школалул хаятраву дацан дурсса Аьрасатнал Виричув Алексей Козиннул гъайкалданучан. Дакнийн бутан, лейтенант Алексей Козиннул жан дулуссар 1999 шинал сентябрьданий райондалий най бивксса дяввилул иширттаву. Хъамаличувнал, виричувгу дакнийн увтун, райондалул вакилтурашал гъайкалдануча сурат риршунни.

Ахирданий Керимханнул депутатнал ва цала чулухасса бахшишру дуллунни. Миннувах бия ттупру, теннисрал ракеткарду, обручру, сурат дишин аьркинмур. Укуннасса бахшишру депутатнал Банайюртуллал школалучасса лагерьданийсса оьрчангу дунни. Светлана Кудавал ва школалул директортурал барчаллагъ увкунни гъинтнил лагерьдан, аьмну клушивуртту дулаврин кабакъу буллалиминнахъ.

## Наркотикру бакъасса оьрму

Наркотикртгаясса нигъачаврия куну бивлаву, му чулуха цайминнал биялдарийн къалагаву мурадрай Цуссалакрал райондалул КЦСОН-лул отделениялий хунни «Наркотикру бакъасса оьрму» цанилусса мероприятие. Ванил гуртгучитурлахъ бивкунни наркоманиялия биллалисса заралаясса лекцияртту, ххал бивгунни оьрмулусса ишру.



Хладур дурну, отделениялийминнай дарчунни балугъравун къабивминнансса памяткартту. Оьрчал ккаккан дунни цала клушивуртту. Меров

приятиялул лагрулий хунни спортрал туртурду. Оьрчан дуллунни дакний личансса бахшишру, дарчунни нацукъацу.

Цуссалакрал райондалий кьуртал хъанай дур интгусса призыврал кампания. Апрель зурул 1-ний байбихъуну райондалул ва шяраваллал администрациярду, военнучетный столлал пишакартал ва военкомат аьралуннаву кьуллугъ бан жагьилтал тлайла букай буссия.

Хъуннасса даву дунни вайнал, повесткартту дуллай, нитти бутташал ва цинявппа призывниктурашал ихтилатру буллай, мукунма республикалул къатувсса призывниктурайн баян буллай.

## Кулпатрал кьини клиц дунни

Июльданул 8-ний шалагу билаятрай клиц ларгунни Кулпатрал кьини. Ва байрандалул жунма цал ххисалану дакнийн бутлай бур кулпатрал инсаннал оьрмулуву цуксса агъамсса клану бугълагьисарив. Кулпатрал кьинилун хас дурсса мероприятиертту хунни Цуссалакрал райондалул школарттай.

## Кьуртал шавай дур интгусса призыврал кампания

Интгусса призыврал кампаниялий аьралуннаву кьуллугъ булла бивцунни 18-27 шиннавусса жагьилтал. Клиц лаган, вай шинайсса кьуллугъ буллантайсса цивппа тлайла бивксса аьралий частирдаву. Вай гуртту къахъунтиссар хасъсса

аьралий операциялий, мукунма къагъантиссар кьуллугъ булла Аьрасатнал цусса районнай – Луганскийн, Донецкийн, Запорожжулал ва Херсоннал областирдайн. Призыврал кампания кьуртал хъанахъиссар июльданул 15-нийн.

«Цалчинминнал суккушинна» тисса райондалул организациялул активистурал ккаккан дунни кулпатрал суратру «Любовь и верность» тисса Шалагу Аьрасатнал марафондалул лагрулий.

Ва кьини Цалчинми цала нитти-бутташал гуртту хунни «В кругу семьи» пикникрагу.



## Спортрал майдан бантгий бур

Цуссалакрал райондалий байбихъунни «Газпром – детям» соцпроект шалу дуллай. Ванил хакъираву цуминалийсса Тлюхчардал шяраву ДР-лул Газпромрал ва Спортрал министерстволул вакилтал хунаавкъунни шяраваллил бакчи Башир Алулаевлулшал.

«Газпром – детям» проектрал лагрулий булла дакний бур социал объект – физкультуралул ва спортрал тивтгусса майдан. Цуссалакрал райондалий проект байбишин бювхъунни Дагъусттаннал Бакчи Сергей Меликовлул Газпромрашал дурсса къутлийну. Кьутли чирчуссия июньданул 14-19-нийн Москвалий хъусса Дунияллул халкъуннал дянвсса Петербургуллал экономикалул форумрал лагрулий.

Ванийн бивну, Тлюхчардал шяраву титинтиссар физкультуралул ва спортрал майдан. Ванил площадь бикантгий бур 1278



кв.м. Шивун буххантиссар футболданий буккайсса чивисса майдан, волейболданий буккайсса майдан ва баскетболданий буккайсса площадкалул кира зона.

Администрациялул цила чулуха бантгий бур площадкалулчансса ххуллурду. Объект кьуртал бантиссар сентябрьданий. Ва шалу бан итабавкъуну бур 15 миллион арцул. Газпромрал вакилтурал пишакартурашал архал дунни межеваниялул давуртту, личи дунни дазурду. Объект бивну кьуртал бивкун, шяраваллил оьрчалаща бюхъантиссар ттуплий буклан, спортрахун багъан. Ва оьрчуру спортрахун бутансса, ми экстремизмалул ва терроризмалул ххуллия арх бансса ца чаранну хъунтиссар.

## Школа хъхъичунминнувах

Дагъусттаннал халкъуннал шаэр Расул Хамзатовлун 100 шин шаврин хасну, «Школа безопасности» программалул лагрулий Казбековуллал райондалийсса Дылым шяраваллия арх дакъасса Туристьтурал къанив хунни Республикалул туристьтурал ва краеведтурал 67-сса слет. Ва сакин дурну дия Казбековуллал райондалул администрациялул ва Гуьнарду итххяххан баврил «Альтаир» тисса центрданул зулалтрал.



Мукъва гъантлий 13-нийн 16 шинайн бияннинсса оьрмулусса Дагъусттаннал школардал дуклаки оьрчал ккаккан бунни цала гуьнарду командарттавулусса ва цалаусса баяст-ччалаву.

Баяст-ччалаву гуртту хунни 15 команда. Оьрмулул шинах бурувгун, гуртту хъанахъими бавчуну бия шанма бутгуйх.

Цуссалакрал райондалия шикку гуртту хунни Цуссаккуллал 2-мур школалул дуклаки оьрчуру. Ми гуртту хъанай бия мюршиннал группалуву. Командалул каялувчину бия школалул физкультуралул учитель Издаг Сулайманова. Ванил кумагчиталну хунни географиялул учительтал Мария Рамазанова ва Су-

рая Хайдарова. Краеведениялулмур баяст-ччалайн оьрчуру хладур бивну бия географиялул учитель ва краевед Сулайман Махаммадовлул. Оьрчан слетрай аьркинмунил дузалшина дунни школалул директор Татьяна Айгуновал ва хозяйстволул бутулсса байсса мунил хъиривчув Махаммадрамазан Сулаймановлул. Слетрал лагрулий хунни спортрал ва краеведениялул баяст-ччаллу, викторинарду. Цуссаккуллал дуклаки оьрчал бивгунни ца цалчинсса ва шанма килчинсса кванттурду. Циняв баяст-ччаллал хасиллу дурну, командалун буллунни мукьилчинсса клану.

Краеведениялулмур конкурс хунни аьмсса командалул баяст-ччаллия личину. Ванил бия шанма ятап: доклад хладур баву ва му буруччаву, краеведениялул викторина. Вай баяст-ччалаву Цуссаккуллал школалул бивгунни шамилчинсса клану. Шикку гуртту хъусса Амина Махаммадовал докладран журилул лавайсса кьимат бившунни.

Лажин хладур дурссар  
Анриана АБДУЛЛАЕВАЛ



Жулла жагъилсса ник

## Мархрая нанисса гъунар

Гъашинусса шин жула лакрал выпускниктуран, школа къуртал бувминнан дикIу, институту, академияртту къуртал бувминнан дикIу, даркъусса шин дия. ЧIявусса оърчIал ларсунни мусил медалду, ЯтIул диплому. Москвауллал №1241 школа лавайсса даражалий къуртал бунни Мурадлул душ Анай Насруттиновалгу.

Анриана АБДУЛЛАЕВА

Лавайсса къиматру бусса аттестатрашал архIал ванин дулунни «За особые успехи в учении» мусил медаль, мукунна «За отличную учебу», «За активное участие в образовательных проектах», «За активное участие в общественной жизни школы» грамотарттугу. Шиккува кIицI лаган, Анайл дуссар ГТО-лул чулуха дуллусса мусил медальгу.

Школалай дуклакисса шиннардий Анай гуртту хъуну бур ингилис мазрацIун дархIусса личIи-личIисса проектирдаву. КIийла ххув хъуну бур дуклаки оърчIал даянивсса Шалагу Аьрасатнал ингилис мазрал олимпиадалий. Му бакъассагу, Ххувшаврил музейран аудиогидтал хIадур буллалисса ванил проектрал бувгуну бур хъхьичIунсса кIану. ХIакъинусса къинигу ва музейраву цайми билаятирт-



Анай Насруттинова

тал инсантурахъ ванил чIуний буслай буссар Буттал кIанттул цIанийсса Хъунмасса дяввилул цаппара иширтта: Сталинград шагърулухсса талатаврия, Берлин канийн ласаврия.

Бусан ччива, шаллусса зуруй Анай оърчIал лагерьданий зий бивкIшиву. Ва бия ингилис мазрахун багъан ччисса оърчIан маз куртIну лахъхьин буллай.

Цунилва-цунил мукIру шара, оърчIал гъунардун мархрая нанисса бикIайшиврий. Анайл нину-пугу дурккусса инсантал бур. Ппу Мурад къумукънал миллатраясса ур. Зий ур МИДрай, отделданул хъунаману. Цала даврий хъхьичIунсса зузалан ккаллину ур. Нину Шансубани юридий элмурдал кандидатри. Зий бур «НК» Роснефть» ПАО-лий. Цила чIумал ванилгу, ванил буттал Ярагъиналгу школа мусил медальлай къуртал бувсар. Шансубани цуппагу Ккурккуллалгу, Хъусрашиялгу ххаллилсса агълу-авладраясса душри. ЧIявучин ххуйну кIулссар ванил ниттил ппу, Аьрасатнал лайкъ хъусса учитель, фронтовик Къябуллагъ РахIимович. ЧIярусса шиннардий А.Тахо-Годил цIанийсса Дагъусттаннал педагогикалул элму ахттар дайсса институтрал Дагъусттаннал мазурдил секторданий каялушиву дуллай уссия.

Анайну оьтту-ттурчIавух буллухъунссар ниттихъал ва буттахъал чулухасса гъунардун.

Анайн МГИМО-лувун буххансса пикри бур. ПайлабацIу баннав, дакIниймур бартлаганнав.

## Кулпатру цIакъссакссар билаятту цIакъсса

Июльданул мйилчинмур къини Аьрасатнаву кIицI лагай Кулпатрал, ччаврил ва дакIру тIайлашивул къини хIисаврай. Ва байрандалуцIун бавхIуну Дагъусттаннайгу барча бувай чIярусса шиннардий бавкъуну, нахIуну яхънахъисса, агъалинаву хIурмат багъанну занакъулу хънахъисса хъхьичIунсса кулпатру. Аьдатрайсса ХIурматрал грамотартту, кIяла тIутIал кацIру булай, барчаллагърайсса махъру увкуну, ххари бувай. Республикалул захIматрал ва социал иширттал министр М. Казиевлул цIанийту барча бувминнавух бур МахIачкъалалив яхънахъисса, 1-мур ЦIувкIратусса Арсен ва Зоя Исрапиловхъал кулпатту.



Арсен ва Зоя Исрапиловхъул медаль ласайхту

## Учительтал пахрулий бур

Июндадул 29-ний ГъунчIукъатIрал школалай 11-мур ва 9-мур классру къуртал бувсса оърчIан булунни аттестатру. Лавайсса къиматиртачалсса аттестат ва мусил медаль ларсунни МахIаммадул душ Аймисай Сулаймановал.

Аймисай бур итххавхсса, дуккавил гъунар бусса, гъарица чулухасса кIулшивуртту дусса душ. Школалай дуклакисса 11-гу шинал лажиндарай ва цалагу дарсирдайн хIадур къавхъуну бувкIун бакъар. Аймисай мудангу гуртту шайсса бивкIун бур школалул, райондалул, республикалул конкурсирдай ва олимпиадарттай. Бугъайсса бивкIун бур хъхьичIунсса кIанттурду.

Ванил 9-мур класс къуртал бувсса чIумалгу ятIул аттестат лавсэссия. Уттигу ккаккан бунни цила бюхъу-базар. Ккаккан бунни, циксса тIалавшиннардуну духъурчагу экзаменнай, хIарачат



Аймисай Сулайманова

барча, ми ххювардай дулун хъунтIшиву. Аймисайхъ дарс дирхъусса учительтал ххарину



ГъунчIукъатIрал школалул директор Малик Къушиев Аймисайн мусил медаль дуллай

ва пахрулий бур цала ученица, чIа тIий бур ванин ттиния тихунмайгу тIайлабацIу.



Вайннал кулпатрал ташулул къини 43 шинал хъхьичI

ПатIимат РАМАЗАНОВА

Вайннал цацIу яхъанай 43 шин хъуну дур. Анвардул арс Арсен зий ур Республикалул стоматологиялул поликлиникалий ккарччал хIакинну, ва аралу-ву зий ванал 40-нниха лирчусса шинну хъуну дур. Ва цувагу ларайсса категориялул хIакингу, Дагъусттаннал лайкъ хъусса хIакингу ур. Исмяиллул душ Зоя зий бивкIун бур товароведну, ва захIматрал ветеран бур. Вайннал мукъва оърчI хъуни бувну, лайкъну чивун буккан бувну бур, ларайсса кIулшивурттугу дуллуну. Вайннал душ Диана зий бур «Надежда» тIисса Республикалул центрданул директорну (и.о.). Арс Анвар зий ур ТIабиаьт дуруччаврил министерстволый паччахIлугърал экологиялул надзорданул управлениялул хъунаману. Арслан тIима арс кIава ппу зузисса Республикалул стоматологиялул поликлиникалий ккарччал хIакинну зий ур. Душ Мадина, хIакинтерапевт, зий бур Республикалул диагностикалул центрданий. Вайннал цала бусаврийн бувну, ларайсса диркIун дур Арсеннул ва Зоял оърчIаясса тIалавшинна, дуккавивугу, мяърипатравугу.

«Гъай-гъай, цIакъсса кулпат – гъарца къини ссавурданий ва ччавулий бихълахъисса захIматрал хIасилли, кIинналагу хIарачатри, учалагума бурха, «кIия лачIурчан, къун бу-

тайссар» тIисса. Ва учалалуву тIийкун къуццу тIий бивкIссару оьрмулухун, уттигу вава тарапрай архIалну хъар ларсун най буссару», – тIий бур Зоя.

Арсеннул ва Зоял кулпат шярваллил агъулданул дянив бивкIу, чIаххув-чIарахнал, кIулцириннал дянив бивкIу ца яла хIурмат бумур кулпатри. Вайннал цалва оърчIругу, цивпа кунма, захIмат хирану, инсаншиву хъхьичIунну, мяърипат дуну тарбия бувну бур. Ва кулпатрахъ барчаллагъ учин, грамота ва «За любовь и верность» медаль дулун оьвкуну бия МахIачкъала шагърулул соцзащиталул управлениялийн.

Медаль дуллай, кIицI лавгсса управлениялул директорнал хъиривчув Есения Исрапиловал увкунни: «Кулпатраву къиматрайсса ххазинардал ва цIакъсса ташулул лишанну хънахъисса ва байран 10 шинал тарих бусса байранни. Ва медаль дулайссар цайминнан ккаккилунну яхънахъисса кулпатиртан. Арсеннул ва Зоял кулпатту махъминнан эбратрансса кулпат бур. Укунсса кулпатиртан къимат бишлай, жува жагъилсса никрангу цIакъсса ташурдал, ххуйсса кулпатирттал къадру бивкIан аьркиншиву ккаккан буллалиссару. ЧIяву хъуннав Дагъусттаннай цIакъсса ташурду!».

Кулпатру цIакъссакссар, билаятту цIакъсса учарухха. Шулушиву дулуннав зухъхъун, Арсен ва Зоял!

## ПаччахIлугърал

## Цасса Экзаменнал хIасиллу

Махъ ливчIунни Махъва-махъсса гюнгутIигу, нину-ппу ва оьрчIру вас-цахлий бивкIсса ПаччахIлугърал Цасса Экзаменнугу. Гъашину Дагъусттаннай ЕГЭ дуллуссар 11 азарунния ливчусса выпускниктурал. Вайннава яла лахъсса баллу лавсэсар 29 оьрчIал.

Бадрижамал АБЛИЕВА

Дагъусттаннал школарттал 1600-нния ливчусса выпускниктурал ЕГЭ-рай лавсэсар 200-нния 300-ннийн биянсса баллу. Ца душ тIурча, кIийлва хъуссар «стобалльница».

ПаччахIлугърал экзамену дуллай бивкIссар 64 пунктрай, вай дулаврил ялув зий ивкIссар 235 пишакар. Жулла республикалий чIявуссаннал дуллуссар обществознаниялул ЕГЭ. Яла лахъсса баллу бусса чIяруми да-

вурттурив хъуссар оьрус мазралми – 30-ннива 13. Ялагу 9 оьрчIал 100 баллдануну дуллуссар химиялул ЕГЭ, биологиялулсса – 4, физикалулсса – 1, профильная математикалулсса – 1, литературалулсса – 1, информатикалул ва ИКТ-лул – 1.

ЕГЭ-рал дянивмур баллданува яла лаваймур хъуссар оьрус мазралсса – 53,99 балл. Яла лагъмур хъуссар географиялулсса – 39,09 балл.

Профильная математикалул дянивсса балл хъуссар 43,7, об-

ществознаниялулсса – 42,96, литературалул – 49,03, химиялул – 41,1, физикалул – 42,1, тарихрал – 41,5, ингилис мазрал – 49,2, информатикалул – 45,8, биологиялул – 44,5.

Дагъусттаннай увагу ца выпускник хъуссар най дуна кIира дарсирал ЕГЭ-рал «стобалльник» хъусса – Табасараннал райондалийсса Татильскаллал СОШ-рал выпускница Гаваханум МахIаммадова. Душнилттур-ттуршва баллданун оьрус мазрал ва биологиялул ЕГЭ-рду дуллуссар.

Цила чIумал ЕГЭ дулун къавхъуминнаша му дулунсса, цалва аттестат ласунсса ца чIунттигу ккаккан дурну дур – ссуттил, сентябрьданул 6-19-нийн.



## Жулла жагылсса ник Ятлу дипломру лайкъ бувми

Вай гъантрай Дагъусттаннал паччахлу гъарал политехнический университетраву хъунни хъхъичунсса хласиллашал вуз къуртал бувсса выпускниктуран Ятлу дипломру буллалисса шадлугърай даражалийсса мажлис.



Ренат Ятлу диплом ласлай

### Имара САИДОВА

Ва къини вузрал фойераву 40-хул идаралул ва компаниялул тиртуну дия ххуйсса ккаккяртташал вуз къуртал бувсса выпускниктал давурттайн къамул буллалисса вакансиярттал ярмаркагу. Выпускниктал давурттал дузал бан хладурсса идараттаваху бия ГКУ РД ЦЗН В МО «Город Махачкала», АО «Дербентский научно-исследовательский институт «Волна», «Всероссийский студенческий корпус спасателей» тисса Шалагу Аьрасатнал жагылтурал жяматийсса идаралул Дагъусттаннал отделение, Москва шагърулийсса «Прайм Медикл Сервис» ООО, «Электроснаб» ООО, «Проминженеринг» ООО, ГБУ РД «Дагтехкадестр» ва цаймигу.

Ятлу дипломру тапшур буллалисса мажлис тивтуна ДГТУ-лул ректорнал бигарду чумуйну биттур буллалисса Назим Баламирзаевлул. Ванал барчаллагъ увкун, хъхъичунну дуклай, университетрал жяматийсса иширттаваху чялишсса гурттушинна дуллаи бивкисса ДГТУ-рал отличниктурахъ.

Выпускниктал барча буллалисса ва гихунмайсса оьрмулуву вайннан тйайлабацуну ча титисса ихтилатру бунни ДР-лул Хукуматрал председателна хъиривчув Муслим Телякавовлул, ДР-лул Хукуматрал председателна хъиривчув, ДР-лул аьршарал ва имушествалул иширттал министр Заур Эминовлул ва ДР-лул кулшивуртту дулаврил ва эмулул министр Яхия Бучаевлул.

– Хакъину, зул оьрмулуву хъунна аьгъамшиву дусса къини, хъхъичива-хъхъичи барчаллагъ учин чай ура университетрал каялвчитурахъ, кулшивуртту дулаврил ххуллий хъунна захимат бивхъусса профессортурахъ, преподавательтурахъ. Умуд бур зува зусса кйантурдай тлавасса ва куртисса кулшивуртту дусса пишакартал хъунсар тисса, – увкунни Заур Эминовлул.

Ятлу дипломру лавьсса вы-

пускниктал барча бунни Муслим Телякавовлулу.

– Кйиц лаган чай ура зун хъунна тйайлабацуну хъушиву – укун лавйсса даражалул преподавательтал ва насихатчитал бакйрайн багъну. Зу исват бунни оьрмулул дайди хъулул ххуллийсса захиматсса шачану лайкъсса даражалий бивтшиву. Дакй дариуну ура вузралгу, республикалулу цакъини бюхтул дансса пишакартал зуя хъуншиврий, – увкунна ванал.

Выпускниктурахъ ва педагогтурахъ барчаллагъ титисса ихтилат бунни Яхия Бучаевлул.

Дагъусттаннал паччахлу гъарал технический университетрал экономикалул ва управлениялул информациярттал системардал факультет Ятлу дипломрашал къуртал бунни жула лаккуоьрчал, Хъурашиял шяравасса Русланнул арс Ренат Яхияевлулу.

Ренатлул марцисса ххювардай къуртал бувну бур Махачкъалалал 26-мур школа. Мунни махъ дуклан увххун ур Республикалул политехнический колледжравун. Вагу Ятлу дипломрашал къуртал бувну, увххун ур ДГТУ-равун. Вузраву дуклакисса шиннарди ласлай ивкун ур Республикалул Президентнал стипендия. Университетраву най диркисса олимпиадарттай, конкурсирттай гуртту хъанай, лайкъ хъуну ур Хурматрал грамотарттан ва арцуйнусса бахшиширттан. Утти хъхъичунна выпускниктурава Ренат язи увгунни Республикалул экономикалул ва бухгалтертурал центранийсса пишакартураваху зун.

Кйиц лаганна Ренат марцуну лакку мазрайгу гьалгьа титисса, шеьрирду чиваврилгу гунар бусса жагыл ушиву.

Дипломру буллалисса мажлисрай Ренатлул барчаллагъ увкунна факультетрал декан Земфира Раджабовахъ – ххюра шинал лажиндарай дарсругу дихьлай, ниттил куннасса аякъагу дуллаи бивкисса, мукунма преподавательтурахъ ва архил дуклай бивкйиннахъ.

Дагъусттаннал паччахлу гъарал университетраву дуклакисса шиннарди 553 выпускникнал бувсса хъунна захиматрал хласилну хъунни вайннал лавьсса Ятлу дипломру. Вай гъантрай вай дипломру цалва-цалва заллугъруннахъ хъун шадлугърай даражалий буллалисса батлаву хъуна ДГУ-раву.

## Ххюттуршунния ливчусса Ятлу дипломру



### Бадрижамал АБЛИЕВА

Университетрал фойеравун буххайтура щуркйал хъанай дия ва кйинилул агъамшиву – шикку рурцуну бия Дагъусттаннал паччахлу гъарал Т. Мурадовлул цанийсса филармониялул камерный оркестр. Шадлугъ курдарив дайди хъуна Аьрасатнал Федерациялул гимнрая ва студенчестволул «Гаудеамус» гимнрая. Вай къуртал хъуну махъ ДГУ-рал ректор Муртазали Рабадановлул, дуккавил шинал хласилугу дурну, барча бувна выпускниктал ва ххарисса ва агъамшиву дусса кйинилушал.

– Ялагу ларгсса 2022-2023-ку дуккавил шин дия университет-

рал шалвагу коллективран бигъа дакъасса, ва кйанугу бавхуну бия кулшиву дулаврил программартту цу лаган дуллалавришун ва ва иширайн дагълагъисса документациялушун. Ва дуккавил шинал ДГУ-равусса хласилу дуллалисса паччахлу гъарал аттестация (Итоговая государственная аттестация) шаллу хъунни 3 870 жагылсса пишакар итаакъаврийну: вайннавух ур бакалавриатрал 35 направлениялий ларайсса кулшивуртту ларсми, специалитетрал 5 специальность ларсми, магистратуралул 29 направлениялий дуккаву шаллу дурми ва дянивсса пишакарсса кулшиву 4 специальность-рай ларсми. Ва шинал дуккаву



Арслан Шустов

### Адриана АБДУЛЛАЕВА

Миннавух ия Ккурккуллал шяравасса Тамилал арс Шустов Арслан (Лев) Александровичу.

Арслан чивинийва ия гунар бусса, итхъяхъсса оьрчи. Дуклакисса шиннарди ва чялишну гуртту шайва школалул жяматийсса давурттаву, республикалий нанисса дуклаки оьрчал дянивсса циярдагу мероприяти-ярттаву. Ва ия шагърулул хъунми классирттал дуклаки оьрчал Советрал член.

Школалул, республикалул конкурсирттай гуртту хъуну,

марцисса ххювардай шаллу дурнини вузраву цивура 533 инсаннал (аьмсса выпускрал 22 %); филиаллаву – 82 инсаннал (16%). Дянивсса пишакарсса кулшиву дулаврил программарттайн бувну: вузраву – 64 инсаннал (21%); филиаллаву – 54 (9%). Ттул пикрилий, вай ххаллилсса хласиллул. Барча буллаи ура университет хъхъичунну къуртал бувсса циявпагу, ча тий ура зунна лайкъсса давуртту лаякьаву. Магистратуралувун буххан ччиминнаху турча, ялугълай буру ДГУ-раву, – увкунна ректорнал.

ДР-лул Халкъуннал Мажлисрал председател, ГЭК-рал «Юриспруденция» направлени-ялул председател Заур Аскендеровлул цалвамур ихтилатраву чурчав дурна студенттурал кулшивурттал лавйсса даражалий, кйиц лавгуна выпускникту-рал аьмсса ккалдания 58% хъушиву паччахлу гъарал экзамену марцисса ххювардай ва мукъвардай дуллусса, мукунма дипломрал давуртту ва магистратуралул диссертацияртту ххуйсса кйиматирттай шаллу дурсса.

Выпускниктурахъ хъун юристнал пиша лавхъушивурлул дипломру буллауна Паччахлу гъарал Думалул депутат, Думалул комитетрал член Бийсултан Хамзаевлул. Ваналгу барча бувна выпускниктал, ча увкунна вайннан мукъахунмайгу тйайлабацуну.

Мажлисрал гихуннайсса программалулу культуралул факультетрал студенттурал ккаккан бувна музыкалул номерду, циявпагу выпускникту-рал цания цахъра дарс дирхъуннахъ барчаллагъ титисса, архил дуклай бивкйиннан тйайлабацуну ча тисса махъ лавхъуна филологиялул факультетрал выпускник Рамазан Рамазановлул.

## Цанихсса театрданул школалаийн увххунни

Вай гъантрай къуртал хъунни хъинну хъунна конкурс дусса Москвауллал Олег Табаковлул театрданул школалаийн выпускниктал къамул буллалисса кампания. Шалагу билаятрайсса 4 азарунийн бияннинсса инсантурал аьрзарду буллусса конкурсрал хласилу дурну, школалаийн къамул унни яла лавайми баллу лавьсса 26 оьрчи.

Арсланнул мударгу бугъайва хъхъичунна кйантурду. Ванал дур кулшивуртту дулаврил управлениялул, Оьрчал искусствардал школалул, Поэзиялул театрданул, шагърулул администрациялул чулухасса Грамотартту ва Барчаллагърал чагъарду. Цимивагу диплом бур шеьрирду пасихуну буккавил конкурсрай ххув хъуну лавьсса. «Весь мир – театр» тисса конкурсрай ванал лавсун бур «Яла ххуйма актер» тисса диплом. Арслан музыкалувугу за бувчйайсса оьрчи ур. Ванал грамотарттаву «За отличное обучение игре на аккордеоне» тиссагу дур.

Махачкъалалал №11 школалул къуртал бувну, Арслан увххун ур Б. Мурадовал цанийсса Дагъусттаннал Культуралул ва искусстволул колледжравун, театрданул искусстволул отделениялийн. Гъашину, ца курсу къуртал бувну, цанихсса Табаковлул театрданул школа-

лийн уххан документру буллуну бур. Ялув кйиц лавгсса кушуй, шиккун хъунна конкурс дия. Шикку гуртту хъун бувкун бия Новосибирскалия, Пермьрая, Оренбурграя, Тулалия, Москвалия, Екатеринбурграя, Хабаровскалия, хласил, Аьрасатнал чйавусса шагъурдаясса оьрчйру ва душру.

– Ва дахъра дайди хъур. Шивун буххан захиматсар, дуклан-нив хъиннува захиматсар, – увкунни, цуну хъусса студенттал барча буллаи, школалул художественный руководитель Владимир Машковлул.

Жу ххарину булу, укун захиматсса конкурсгу дурурчуну, жула оьрчи Табаковлул театрданул школалаийн уххаврия.

Барчагу уллай, ча тий буру ванан гъарица ишираву тйайлабацуну, дуккавилу хъхъичуннайшивуртту. Шак бакъар, Арслануя гунар бусса, тамашачитал ххари буллан-сса артист хъуншиврийн.





Адабият  
лајин



**МУРКЪЛИНАХЪАЛ  
ХИАЖИ**

### Ниттил маз

Нагъмурдал назсса чуну  
Ниттил зумату баллай,  
Ниттил наклицал архлал  
Обгту-турчавун бухлай,

Ляхъунни, хласул хъунни  
Ттул дакниву ниттил маз,  
Ляхъайсса кунна килуши,  
Ляхъайсса кунна адав.

Ляхъын бунни ттун ниттил  
Ттиркюкьал пар бу махъру,  
Ляхъайсса кунна ххалуйх,  
Ца-цаних тлий, кюршантру.

Ляхъан бунни дакниву  
Пасихшиврул чирахъру,  
Ляхъайсса кунма хъхувай  
Ссавруннай чаннацуртти.

Агъ, ниттил маз, вил цанил  
Марцшиву, гъелишиву,  
Ужагърай лархъсса цуну  
Вил лишанну яданна.

Инархха ттун дуллусса  
Ххира буттал чувшиву,  
Зума нахусса ниттил  
Хъиншиву, чумартшиву.

Ина ттулла, ниттил маз,  
Ттул ккашира, ттул гужра,  
Шадний чайсса балайра,  
Къуманий чайсса угъра.

Ина ларгсса кьинира,  
Буттал буттахъал чура,  
Ттул обрчал жавгъардаву  
Партисса цусса чунна.


Вил балай баллалиний  
Ттун багъру ттунтайх бичай,  
Вил хъярчирал хъяхъаврий  
Гъарзад хъай чалан диклай.

Агъ, ниттил маз, вил цанил  
Марцшиву, гъелишиву  
Ужагърай лархъсса цуну  
Вил лишанну яданна.

### Хъулийсса чичру

Ттул буттал къатрал хъулий,  
Мунал буттал къаритгсса,  
Чарий куртину чирчусса,  
Укунсса чичру дия:

## Юбилейран хасну



«Ахътта най ухъурчагу,  
Бурттий най ухъурчагу,  
Аглан хъу, ухху жучан,  
Инсанталлуча жугу».

Кла яхъусса чичрулул  
Бувчин буллаи бур жунма  
Хъамаллурансса хурмат,  
Къадру цуксса бивкссарив.

Гъарца шарнил бак-бакрах  
Хъамал чан къашайссия,  
Гъарца къатлулгу цила  
Хъамаличув иклайва.

Лавгукун, ликкан шайсса,  
Ихтиварсса, хъхичунсса,  
Охъин кьинилул чумал  
Чарав ацан хладурсса.

Буттахъая шихуннай  
Жуйнна ирсирай дурксса  
Дакъаривла ва аьдат  
Инсаннал сий гъаз дайсса.

Буттал аманат кунма,  
Ябуллаи ура нагу  
Ттула хъулий чивчусса  
Лархъсса мяналул махъру:

«Ахътта най ухъурчагу,  
Бурттий най ухъурчагу,  
Аглан хъу, ухху жучан,  
Инсанталлуча жугу».

### Ттун ххирар зунттурду

Къадарданул лавсун, чун утарчагу,  
Дакнива къабуккай ххира зунттурду.  
Ниттил хъирив левчу чиви обрчи кунна,  
Кунку тлий ачара клайннучан иян.  
Бакраву яругу, клайннух буруглай,  
Буччин бан къабюхъай, бувккун бунугу.  
Зунттал симан ккарккун на ххари шара,  
Щюлли гъинт ххал хъувкун жагъилгу шара.

Хияллал хъаттирдал гъавалийн ласлай,  
Зунттавул кул акъа агъну ляхъара.  
Ччаврил бюхттул ара, ссука гъаз ара,  
Бургъичан, зуручан ивссаксса шара.  
Ххуллурдай увхнигу, дак киккун дачай,  
Даврил бас увнигу, дак киккун дачай,  
Дуниаллул лагма увккун увкунугу,  
Зунттавул ийяхту, игъалагара...

Ххирар ттун зунттурду, бюхттул барзунтту,  
Клайннул ялтту битай ссурулкурттагу,  
Зунттай ччавмар байсса ххинил барххултту,  
Ардарава къавтисса мюрши гадригу.  
Ххирар яттичасса зунттал ххухчалтту,  
Клайннал бишлашисса щютлуххул чулу,  
Кла чу тикрал байсса бюхттул ххялугу,  
Ххяллайх дагъну нани арцул шиннугу.

### Шаэр

Шаэр увкусса ца  
Хъинну бюхттулссар:  
Му тархъансса махъри  
Яхъи бунал кусса.  
Му цусса макъанни,  
Цусса хиялли,  
Халкъуннан чаннасса  
Цукуну хъусса.

Кирисса шавкъирал  
Щатив гъаз бувну,  
Шаэрналли мухлукъ  
Аьраттал байсса,  
Иш багъний, ххаллилсса  
Даву дувангу,  
Иш багъний, кьянкъасса  
Ришаву дангу.

Шаэр усса миллат –  
Хлакъсса миллатри,  
Чурхаву къюк дусса,  
Зумув маз бусса,

115  
ШИН



Му хъхирир чавхъ тисса,  
Кунца къавхъусса,  
Му багъри – щюллисса,  
Мархри къакъавкъсса.  
Ачу, шаэр, ина  
Чичлай шеърирду,  
Щу-щусса, цу бусса,  
Цинявннан хъзсса,  
Сунттул ххалуйх лархсса  
Ттиркюкьив ххансса,  
Чарий куртину дурсса  
Накбичру ххансса.

Цири бювчу махъру,  
Пасихисса махъру,  
Миннуву дакнил сси  
Шарай бакъани?  
Чунни бакъин бувсса  
Бъавкъусса байтру,  
Миннуву халкъуннал  
Пикри бакъани?

Ччарчан «шаэр» уча,  
Ччарчагу – «аьшукъ»,  
Цукун учирчагу,  
Мяъна дакъассар,  
Ччучлай акъахъурча  
Оьрмулук ччаврил,  
Оьвтий акъахъурча  
Щусса оьрмулийн.

### Интнил савлугъ

Баяйрив къутла тлий  
Мурчал каних инт,  
Ххал шайрив ялун най  
Ххарисса кьини.

Буккияра хъунин,  
Урци дурцину,  
Хъурдуккаврил байран  
Майданнив дурну.

Бургъил таж бакрайсса,  
Няк янна лархсса  
Интнил шад бантиссар  
Къужрал яругу.

Буллугъсса мажлисрай  
Тямадашиврий  
Дурцину дитанну  
Тамашасса инт.

Хъуннасса шадлугърай  
Гъаз бувну къуртти,  
Дак дуну дугъанну  
Оьрмулул хъарас.

### Ссурулкуртта

Цимил янин ккавкнугу  
Пар-парти ссурулкуртта,  
Ккавктари ххари шара,  
Цанниввагу къакулну.







Бюхьугу чаннасар  
Тгул каруннаву,  
Зузаврил марш хьусса  
Чатгул махь кунма.

## Виричу

Баргь ссавний бусаксса  
Чани гьан буллай  
Къашайссар лухи-цан  
Чанна дуниял.

Барз ссавний бусаксса  
Щуртгаву партгий  
Къашайссар хьхьугу цан,  
Тгурлу дунугу.

Дусаксса аьршарай  
Инсаннал инсап,



Адабиятфал  
лажени



Циятура бургьил  
Хьхьем гьаз дурукун.

Рахат шай дикгул дакI,  
Макьгу къадагьай,  
Зу дурсса чувшиву  
ДакIнийн дагьувкун.

Бакъассар зун бивкгу,  
ЧунархIал виртгал:  
Зул махь буссар оьрму,  
Тархьансса Ватан!

Чинарданул чурхру  
Гьаттахь бунугу,  
Буссар зул яругу  
Махьминнал иттав.

Личлай дур миннува  
Къисасрал цурду,  
Хьхьурду чанна дуллай,  
Душмантал ччучлай.

\*\*\*

Ниттил айсса цалли,  
ИвчIайсса цалли,  
Цалли дунияллий  
Оьрму бутайсса.

ИвчIангу аьркинссар  
ИвчIан аьркинний,  
Абад утгавану  
ХIисав аншиврул.

## Ссаха лашан бава!

Бавияв, ххирамур, на ина лашан  
Шадсса кьинилуха, бургьи-зуруха,  
Дардру кунна, ххютру лихьлахь дайсса.

Бавияв ялагу на ина лашан  
Цуртгал дьанивусса чанна цукуха,  
Ссавруннайн урувгни цалчин ххал шайсса.

Бавияв мукунма на ина лашан  
Тутгал чюлу дурсса шюлли интниха,  
Дахьра хьхьа тIисса хьункIултIутIуха.

Бюхьлай бивкIессания ца кIанттайн датIин  
Циньв бургьил рангру, кьанкьру, макьанну,  
Бавияв ца чююгу – ина щябитан,  
Бавияв ца тажгу – вил бакIрай бишин.

## Дуснахь

На ура ялугьлай –  
Яру вий личIлай,  
Архнийгу, гьаннийгу  
Янин ххал хьувкун.  
На ура пикрирдай –  
ДакI вищал дачIлай,  
Хьхьувайгу, дьхттагу  
ДакIнийн багьувкун.

Ина бура, ттул дус,  
Ттул янил чани,  
Лагмара дуниял  
Ххал дан буллусса.  
Ина бура, ххирай,  
Ттул дакIнил кIулши,  
ТалихIрал лахIзарду  
БувчIин дуллусса.

Духьурча ттул цичIав  
Ва оьрмулува –  
Му вил аьзизшивур,  
Му вихсса ччавур.  
Бухьурча ттул кьютIисса  
Хиял ва мурад –  
Му вил дакI ва хиял  
Чюлу хьун бавур.

КIанил цу дай тIабиаьт,  
Диртун цила нур зунттайх;  
Ххари буну, мачча бай  
Хьунмагу, чшивимагу.

Бакъаривла тамаша  
Зунтгаву ссурулкуртта,  
КIалан бавхIусса кунма,  
Зунттурду чачIун байсса!

## Яла ххирамур

Ххирар ттун тяхьасса  
Интнил ххяххабаргь,  
ХьачI-мачIайх ппив хьуну,  
Экьилагайсса.

Ххирар хьхьунил ссавний  
Щузурул симан,  
Щуртгал дьанив къавтIий  
МахIаттал айсса.

Ххирар кIюрххицунмай  
Буккайсса цуку,  
Зулалан кьинилул  
Илчину шайсса.



Гьарзадрар ххирар  
Тархьансса Ватан,  
Гьарцаннан баргь-барзну,  
Щукуну хьусса.

Ччавугу чаннасар  
Ва ттул дакIниву,  
Зунтгал хьазамраву  
Щаращи кунна.

Лагьгу кьхьунтIиссар  
Цаягу инсан.

Буссар дунияллий  
Ккуллагу, цугу,  
Амма ми дух дайсса  
Буссар виртгалгу.

Ялун най бунугу  
Фашистнал пуркIу,  
Щупар тIий дур яргну  
Вирттаврал цIарду.

## Вирттаврахь

Угь учай ттул дакIнил  
Бурса бакьинсса,  
Ххирасса зу, виртгал,  
ДакIнийн багьувкун.


Кьхьвх учай яруннал  
Бярду бацIансса,  
Аьзизсса зу, дустан,  
Бакьа ххал хьувкун.

Парх учай тутIулгу,  
КIутIу увкуну,





## Халал бунни кымат



Къизлардал шагърулий «Авиценна» клиникалий зузисса жула лаккучув, неврологиялул хъыччунсса специалист, Ссухъяциял шярватусса Загыдинал арс Ша-

банов Хамзатлун дуллунни «Народное мнение» тисса регионал фондрал чулухасса «Халкьуннал Виричув» тисса ца, Мусил цукугу хъиривсса. Дуклусса 2022-кусса шинал Хамзатлун халал дурссия «Невролог года» тисса цагу.

Цала даврил гъунар ххисса пишакар, уздансса багъу-бизулул заллу, Загыдинал арс Хамзатлун дуллусса бусравсса цардугу барча дулла, чла тий буру жула ххирасса инсаннан цулушуву, цу-цусса ххуй-хъиншивуртту, ялунмайгу тйлабацуртту!

Щалва кулпат,  
гъан-маччами, дултал,  
гъалмахтал ва цинявпагу  
ина ххирами

## Аьралитурал барчаллагъ

Хасьсса аьралий операциялул гуртгучитурал видеообращенилийччин барчаллагъ увкунни Дагъусттаннал Халкьуннал Мажлисрал председатель Заур Аскендеровлух фронтран булла-лисса кумаграхлу.



### Адриана АБДУЛЛАЕВА

Аьралитурал чулуха ихтилат бунни хушрай аьралий операциялий гуртту хун лавгсса парламентарал депутат Расим Хажиагъаевлул.


– Хъунмасса барчаллагъ вин, Заур Асегович! Хасьсса аьралий операция байбивхуну цалчинсса гъантрая шихунай ина кумаг буллаи ура фронтран ххувшаву гъан дан. Жучан бивунни ина гъан бувсса машина, квадрокоптер, дявилулу иширттаву аьркин шаймур цамургу, дука-хачанмур. Аьралитал вихь дакнийхтуну барчаллагъ тий бур, – увкунни ванал.

Парламентарал спикернахь барчаллагъ увкунни аьралиту-

рал командирналгу.

«Жу шийх бусса 9 зурул даянив жучан цимилагу бивкунни Дагъусттаннал халкьуннал чулухасса кумаг. Ттул мурад нава шихун бивцуну увкисса цинявпагу аьралитал цулулуну, сагъну махъунмай бивцуну учлавур. Вай, цала буржу лайкьну биттур бивну, цулулуну, сагъну шаппай бучан вияту хъунмасса кумаг хъанай бур. Барчаллагъ».

Дакнийн бутан, Заур Аскендеровлул цимилагу гъан буссар фронтран «Нива», УАЗ Патриот Пикап машинартту, квадрокоптерду, хъхувай чани байсса приборду, шавурду дирсса чумал ишла дансса медициналул кьай, дуки-хачгиялул суратру ва цаймигу фронтрай аьркин дагъайсса затру.



ТОТ НЕ МУЖЧИНА,  
КТО ГОЛОВУ ПРЯЧЕТ,  
ЕСЛИ ОН ВИДИТ  
БЕДУ НАД СОБОЙ...  
И. Казак

СЛУЖБА ПО КОНТРАКТУ  
В ВООРУЖЕННЫХ СИЛАХ

МОЁ  
ДЕЛО

CONTRACT.MIL.RU

8 (8722) 68-16-08

## Спорт

### «Динамо» цусса тренер

Махачкъалал «Динамо» пресс-службулул ларгсса бигъалагай кьини баян бунни Къурбан Бердыев хъунама тренерну ивтшиву. Ваналгу бувсунни цала клубрал каялувшиву дуван циван бакрайнласу бувссарив.

#### Патимат РАМАЗАНОВА

– Махачкъалал «Динамо» – агъамсса проектри, ттул гъанумур мурадду «Динамо» премьер-лигалувун дуккан давур. Укунсса масъала клубрал хъыччун лавсун буссар, захматсса масъалари, амма щах бутансса цичлав бакъархха, зунтиссару, – тий ур цусса тренер.

Аьрасатнал цаччундур командалул тренерну ивкисса Борис Игнатьеву ур Къурбан Бердыевлул Махачкъалалал команда цалчинмур лигалувура хъит учин дувантйишиврий дак дарцуну.



Къурбан Бердыев

– Бердыевлуша цува уттинин зий ивкисса «Сочилул»

даву гъаз дуван къархъунни учин къабучиссар, тренер цуксса опыт бусса ухурчагу, мунаша цакуну командалия чемпионтал бан къашайссар. Бястччаллий ттуллий буккайми футболулисталли, тренер акъархха. Махачкъалалал «Динамо» ххуйри триумвират: Хажиа Хажиев клубрал президент ур, Шамил Газизов – гендиректор ва Къурбан Бердыев – хъунама тренер. Вай цалчинмур лигалунсса дуниял ккарк-ккулсса барцдур, вай цаччун шаву гъаксса ххуйри, уртакъун зий, командалул ххуйсса ххасиллу хъун дувантиссар, – увкунни ванал.

Июльданул 15-нний «Динамо» ччаллий дуккантиссар ФНЛ-лул цалчинмур турданул лагрулий «Торпедолушал».

## «Чемпионка хъуну бучантиссара Дагъусттаннайн...»

Июльданул 10-нний «Зори Табасарана» кказитрал редакцилий хъунни Тульскалал областрай ялапар хъанакъисса, хъхьирил дултту гъузузаврил спортрал дунияллул чемпионка хъусса Анна Мишустинашассала хъунабакъаву. Анна Мишустинал мархри бур Дагъусттаннаясса.

#### Имара САИДОВА

Ванил ниттил Марияннул ппу Махаммадов Махаммадаьли ур Хивуллал райондалийсса Вертиль тисса шяравасса. Вай цивпа ялапар хъанай бур Тульскалал областрай.

Махаммадаьлил бувсунни цала душнил душ Анная. Унгунуну хъхьирийх гъузузаврил спортрахун багъну бур Анна оьрмулул 9 шинаву. Цалчинсса соревнованьярттай гуртту хъанай байбишайхтува чалачи дурну дур Аннал хъхьиччунсса ххасиллу. Аннал цалчинсса тренернан най бунува ххисав хъуну бур ва хъинну итхъяххсса душ бушиву. Ва спортраву цалчинсса кубокру лавсун бур Аннал Аьрасатнаву ва Сибирану хъусса хъхьирийх гъузузаврил соревнованьярттай.

«Дакнийн бур, жу телевизордану буруглагисса ппурттуву Елена Исинбаевал ирглийсса ххувшария буслай. Му асар хъуну, Аннал увкунни тухь: «Таттай, нагу чемпионка хъуну гъантиссара ттула ниттил Ватандалийн, Хи-



Анна Мишустина

вуллал райондалийн», – куну.

Анна, спортраву бакъассагу, дуккавириву хъинну итхъяххсса, гъарица ишираву низам дусса душ бур. Ванил марцдуну ккулссар ингилис мазгу», – буслай ур Аннал ттатта.

Хъхьирийх гъузузаврил соревнованьярттай члавасса оьрмулуву Аннал цимилгу бивгъуну бур хъхьиччунсса кванттурду. Вания гихунмайгу пикрилий бур лахъисса манзиллайсса соревнованьярттай гуртту хъанан.

2021 шинал Санкт-Петер-

бурглив хъусса Аьрасатнал чемпионатрай Анна Мишустинал ларсун дур арцул медаль. 14 шинаву ванил биттур дурну дур Аьрасатнал спортрал мастернал нормативу.

«Гъашину на килчингу язи бивгъунна Аьрасатнал цаччундур командалувун. Июньдалий на гуртту хъуссара Каирдай хъусса дунияллул первенстволлий. Тикку ттуца бивхъунни ларайсса ххасиллу ккаккан дан. Тихун на хладур хъанай буссияв шинал лажиндарай. Первенство нанисса цалчинсса кьини ттуца бивхъунни 400 метралул манзилданыйхсса гъузузавриву хъхьиччунсса квану бугъан. Мукьилчинмур кьини на лайкь дав арцул медаль. Ва хъунни ттул спортрал карьера-луву яла захматну ларсмур. Буниялагу, хъинну захматну бия къавкъсса 40 градусрал гъава бусса тивтисса бассейндадуву гъу-зун. Къаши хъанай дия вай бястччаллаву 0,07 секундрал Грециянавасса спортсменкаяр махъун багъаву», – буслай бур Анна.

Гихунмай Аннал багълай бур архала ЕГЭ-рдайн ва соревнованьярттайн хладур хъанан. 16 шинава ливчуну махъ Анна къамул бан най бур хъуними спортсментурал категориялувун. Ча учинну Аннал гихунмайгу хъунисса тйлабацуртту.

## Чивчумунил ялун

«Илчилул» 24-мур номерданый дуссия ттула дакния тачлав къауккайсса, Чаяциял шяраватусса Султанмахадлул арс Ханкиши дакнийн углатисса хъун дакъасса макъала.

Чивчумуниттита-тти урувгсса чумал, ттун ххисав хъунни ттуйва ца чиви-хъунсса тахсиргу хъуну бушиву. На килч бувссия, Ханкишишл цаччу-чарах зий, ххала-гурттуву бивкисса Чаяциял ва Тлюхчардал инсантал. Вай кивагу жяматрацдун на ххи къабувнува къабивтун бия Ханкишил ххаллисса кулпат, оьрмулул дус Саидатлул бутгал шярваллил Къянналмур жямат.

Ханкишил чарах мудангу бивкиссар Саидатлул гъанчув, уссу



Рамазан. Бивкиссар мукунма Къяннал бусравсса арсу: Рапи Абакаров, Айгун Махаммадов, Валериян Абакаров, Сулайман Хажиамамадов ва мукунма цаймигу, циняв килч буллан хъанай бакъар.

Амма хасну ца-квива махъ къавкуну къантан къахъунссар сайки гъарцаннал цал ца бусраврай зумух ласайсса къяничув Къадаев Абдулкасим Къадал арсна. Финансирттал техникум къуртал бувсса ттул дипломрай дуссар Къадаевлул къулбас, госкомиссиялул председатель ххисаврай. Ва ялапар хъанай ивкисса къатрал чирай лархъун дуссар ванал суратрашассала аьпалул ула. Ванал лажиндарайва чивчуну бусса хханссар инсаншиврул ва имандалул тарих. Ванашал на архал чувчлав зий къаивкиссара. Мукун бунугу, ттун ва мудан ттула даврилгу, оьрмулулгу уртакъуну ивкисса куна чалан иклай.

**Махаммада Аьвдулкасимов,  
ДР-лул лайкь хъусса  
экономист  
Ш. Гъуйми**



## Жижара


**АБАКАРДУЛ  
ДУШ МУДУНОВА  
ГЪИДАЯТ**

Ормулул 75 шинаву, захI-матсса цIуцIавриша ххассал къавхьуну, аьпалухьун лавгунни ГьунчIукьатIрал шярвасса Абакардул душ Мудунова Гьидаят.

Бувну бур Гьидаят фронтвик, чичу Абакар Мудуновлул кулпатраву. Буттал шярвуву школагу къуртал бувну, бувххун бур Дагъусттаннал университетрал филологиялул факультетрайн. Университетгу бувкуну, дурурчуну дур филологиялул элмурдал кандидатнал диссертация, зун бивкIун бур филологиялул факультетрайн дарсру дихьлай.

Студенттурал дянив хьинну бусраврай буссия Гьидаят. Вайннашал архIал лагайссия шярваллаву, фольклор, шеъррду, аьдат-эбадатру ахтар дуллан. Гьарца студентнал дакIнивунсса ххуллу лякьайва Гьидаятлул.

АрхIал зий бивкIминнан ва цилла дарс дирхьуминнан Гьидаятлул.

ГьунчIукьатIрал жямат

Дагъусттаннал паччахIлугьрал университетрал филологиялул факультетрал дагъусттаннал мазурдил кафедралул коллектив, хьуннасса къурчIишивугу кIидачIлай, жижара буллай бур кафедралул доцент Чаллаева ПатIима Шамильевнахь, ванил ххирасса нину

**АБАКАРДУЛ ДУШ МУДУНОВА ГЪИДАЯТ**

ахиратрал шаврийн бувну.

Цил бунагирттал аьпа баннав, алжаннул агьулданувух хьуннав, махьнал оьрмурду лахьи баннав!

Дагъусттаннал паччахIлугьрал университетрал дагъусттаннал мазурдил кафедралул коллектив

## Мушакъатминнан уквасса такси

МахIачкъалалив мушакъатсса, ччаннал чулахьсса, занан къахь-Манахьсса инсантурансса уквасса такси зузи бувантIишиву бувсуни Республикалул ЗахIматрал министерстволул пресс-службалул.

**ПатIимат РАМАЗАНОВА**

Ва ххуйсса даврил сиптачиталгу бур «Забота» тIисса идара, цурдагу ЗахIматрал министерстволул кабакъаврийну дуллаллисса даву дур. «Социальное такси» цIанилусса ва проект цалсса МахIачкъалалив баргдигинтIий бур. Жяматрансса транспортрай лага-бучIан захIмат хьанахьисса инсантурал гьантлул хьхьичI баян бавантIий бур, цанма хьирив кьини аьркинсса иширай шагьрулувун буккан багьлай бушиву. Мушакъатми уквa биян бувантIий бур поликлиникалийн, азарханалийн, аэропортрайн, вокзалданийн, спортрал

даят дакIний личIантIиссар гьуннар ххисса педагог-пишакарну, хьунанашалгу, чIивинашалгу маз лякьин кIулну, оьрмулул къадру-къимат буну къуццу тIий бивкIсса ххаллисса инсанну. Хаснува ванил студенттуран ва дакIний личIантIиссар гьарца ишираву цала чIарав бацIлай бивкIсса, цахлува махь буслай, аьркинний хьирив бу-клай бивкIсса хIакьсса учительну. Хьинну цила пиша ххирасса, дуллалимуниву дакI дирхьуну зун кIулсса, вава куццуй цила студентталугу тарбия буллаллисса бивкIайва ва.

Гьидаят Абакаровна филологиялул факультетрал ттарцIну бивкIайссия. Пишлишал бакъа студенттурачIан гьан къашайшуй, хасну укун дакIнийгу личIантIиссар ва чIярусса шиннардий цилла дарс дирхьуминнан.

Гьидаят буссия дакI-аьмал хьинсса, ихтилат аьчухсса, гьарцаннашал хIал бавкьусса, ка-кумаг буван, чIарав бацIан хIадурсса, уздансса хьамитайпа.

Гьидаятлул буттал, дяввилул гьурттучи, шаэр, чичу Абакар Мудуновлул жулла литературалулу багьа бишун къашайсса ххазина къабивтссар. Хьунмасса захIмат бивхьуссар ванил му ххазина, ягу бувну, бугу бурувчуну, хьирив нанисса никирайн тапшур баншиврул.

Гьидаят дуняллия лагаврил къурчIишиву кIидачIлай, жижара буллай буру ванил душнихь ПатIимахь, ссурваврахь Шагьрузатлухь ва Луизахь, махьсса шалагу агьлу-авладрахь. Цил гьав нурданул дуцIиннав, бунагирттал аьпа баннав, рухI бигьаний дишиннав, алжаннул ххари баннав. Амин!


**ЧУПАНОВ  
МАХIАММАД-РАСУЛ  
МАХIАММАДАЛ АРС**

Июльданул 6-нний оьрмулул 84 шинаву аьпалухьхьун лавгунни кIулминнал хIурмат лавайсса, шярвуминнан ва дустуран ххирасса, бусравсса адамина, Хьурттал шярвасса Чупанов МахIаммад-Расул МахIаммадал арс.

## Зияратирттал барачат шярваллил жяматрайн бияннав



Ларгсса бигьалагай кьини, июльданул 9-нний, МахIачкъалалал Хьун-мизитрачIа кIюрххила гьирарай батIлай бия 1-мур ЦувкIуллал шярвасса душру. Бия Лаккуя бувкIссагу, шагьрурдаяссагу. Вай мубараксса шайхтурал зияратирттайн биян аьрххилий бувксса душру бия. ЦувкIуллал шярваллил тарихраву ва хьхьичIра-хьхьичI дуллаллисса даву дия. Ванил сиптачиталгу бия Муфтиятрал Ккуллал райондалийсса просвещениялул отделданул хьунама ва ЦувкIуллал имам Муса Аьлиев, вава Ккуллал ва Лакрал районнал Просвещениялул отделданул хьаннилмур бутIул хьунмур ПатIима Аьлиева ва Муфтиятрал Цуссалакрал райондалийсса просвещениялул отделданул зузала, 1-мур ЦувкIратусса Ххадиджат Аьбдуллаева.

**ПатIимат РАМАЗАНОВА**

КIива маршрутка бучIан бувна Хьун-мизитрачIан, тичча бавчуна Сепараторный поселкарайсса Дагъусттаннал муфти, шайх АхIмад-хIажи Аьбдуллаевлул къатрачIан. Муфтинал маслихатрайсса ихтилатрахугу вичIи дирхьуну, Буйнакскаллал райондалийн аьрххи бавхIуна. Цал вай бивуна Ялв Гьазанишливсса Ухсавнил Ккавказуллал цалчинма муфти, НицIавкIратусса шайх, 3 тIарикьатрал устаз Сайпуллагь-Кьади Башларовлул зияратрайн, яла бивуна ЧиркIайннал Саэд-Апаннинал зияратрайн.

ПатIимат Зиркьева: «Жу ва кьини, ссурваврашал архIал зияратирттайн биян буюхьаврийнгу шукрулий, дуаьрдай бивкIру. Кондиционердугу дусса хьинну къулайсса маршруткартту бия. Куклуну, тазану бивру нанинийн. Сайки циньяннал зумувсса яла чIяруну тикрал дуллалимур дуаь ва кьини духьунссия дуняллийн дакъаву дагьаннав, Украиннал аьршарай жанну дуллуминнал аьпа баннав, буми цIуллуну зана хьуннав тIутIисса. Циньяву душаврал цIанияту барчаллагьрай бура, ва давриха зу-

МахIаммад-Расул увну ур 1939-ку шинал Хьурттал шярвуву МахIаммадал ва ПатIиматлул кулпатраву. Ппугу ччяни дуняллияту лавгун, ниттишал ва буттал ниттишал ливчIун ур. ЧIивину унува ниттицIун кумаг буллалли хьуну ур МахIаммад-Расулгу. Буюхьаймур буллай, колхозраву зий ивкIун ур. Мунья махь, АьсатИннал Алагир тIисса шагьрулий ялапар хьанахьисса цала ниттиуссичIан, МахIаммад-СадикьлучIан, лавгун, уссал усттарнал пишагу лавхьхьуну, тикку зий ивкIун ур. Ниттил зана хьу тIий, махьунай шавай увкIун, Ахьушав уссал усттарну зун ивкIун ур. Та чIумал Ахьушиял райондалул хьунама хIакинну зий ивкIссар ванал ссурахьу Вагьабов Шайхмурал. Ца-кIира шин тиккугу дурну, зана хьуну шавай, Гьумук гава цала пишалий зун ивкIссар. Мунья махь, механизаторнал пишагу лавхьхьуну, Хьурттал колхозраву трактористну ва комбайнерну зий уссия. Яла, оьрчIру хьуни хьа-

нан бивкIукун, МахIачкъалалив ивзун, цIунилгу уссал усттарну зий уссия. Мунья мукьах, Лаккуй цIусса къатригу дурну, буттал шярвунуна зана хьуну, Гьумук зий уссия. Ца дачIи шинал хьхьичIгьа даву къадиртссаягу.

МахIаммад-Расул ия дакI марцIсса, аьчухсса, дустуран, кIулцириннан бусравсса инсан. Хьурттал хьатIай ванал ясаушшивугу дайссия. Ва хьинну ххуйну къавтIунгу изайссия, балайгу учайссия, музыкагу бишайссия. Алагирдай ялапар хьанахьисса шиннардий тайннал къавтIаврил ансамбльдануву гьуртту хьанайгу ивкIссар.

МахIаммад-Расул дуняллия лагаврил дакIнийхтунусса къурчIишивугу кIидачIлай, жижара буллай буру кулпатрахь Зайнабулхь, арсурваврахь, душнихь ва махьсса циньявпагу мачча-гьаннахь. Цал бунагирттал аьпа баннав, алжаннул ххари аннав, махь ливчIминнахьхьун цIуллушиву дулуннав!

Хьурттал ва ХьурукIуннал жяматирттал цIания Шамиль, Аьвдулла тIип

хьхьичIунмай хьура. Ва аьрххи цIувкIуллал душру исламрал ххуллийн кIункIу бувансса, исламрал ххуллийн наниминнал дакIурдиву иман цIакь дувансса даву хьуссар тIий бура».

Светлана Кьадилаева: «Зияратирттайн нани ххуллий ихтилатру буллалиминнал кIицI лавгунни, исламрал ххуллу-ххагу цIакьну бурувчуну, жагьилсса никирал ва оьрчIал тарбиялуху дагьайкунсса къулагьас дикIан аьркиншиву хьуниминнал, жулва ппухьруннал рувкIанийсса ирс-ххазина буручин аьркиншиву. ДакIний ххаришиву дия жулва ЦувкIуллал душавраву исламрал ххуллу-ххуттай цIакьну бавцIусса, къакIулмур жунма лахьхьин буллаллисса Ххадиджат Аьбдуллаева бушиврия, пасихIну зукьлу-дуаь дуван кIулсса ПатIимат Зиркьева бушиврия. Ва жул наставникри. Цаймигу бур ЦувкIуллал душавраву исламрал кIулшивуртту куртIгу, цIакьгу дуллаллисса, вайннул кабакъаврийну, ин ша Аллагь, жугу хьит тIунтIиссару. РувхIанийсса ххуйшивурттал дакIругу дуцIин дурну бувкIру зияратирттая».

Ттуша, цамур мероприятие дуну, ва кьини ссурваврашал буккан къавхьунни, амма ва кьинигу, хьирив гьантрайгу дакIнива къалавгунни вай жула душаврал зияратирттайн лагавриятуса ххаришивугу, рязишивугу. Вайннул дурцирив дуаьрттацIун бакьлай, Аллагьнал жула дакIурдивун Идавсисса (с.аь.с.) ччаву дутIиннав, Мунал (с.аь.с.) ккаккан бувсса ххуллийн бачин каша дулуннав, дуняллийн паракъатшиву дагьаннав тIий бура нагу. Амин!



### Лакрал халкъуннал учаларттава

ОьрчIал оьрчI ужагьрайсса алжанни.

ОьрчI къатлуву лавхьсса цирахьри.

ОьрчIан – ургала, хьунин аякъа аьркинссар.

Оьккисса арснал ххуйсса буттал ца зия дайссар.

Оьтту щинайн кIура къабайссар.

ОьрчIан ппу – яла гужма, оьрчIан нину – яла ххуймур.

ОьрчIал цIаний нину цIара-вунгу ххяххайссар.

ОьрчIру дукралулняр ххашиврулли хьуни байсса.

СсурухIилул симандалува щин къахIайссар.

Так цаламур аькъулуий гьашиву дайма хьхьичIун къаукайссар.

Тахсир къащайсса лагьгу, ялтту къауцIайсса заллугу къаикIайссар.

Ужагьрай хьуначу хьурчан, барачатишву дикIайссар.

УчIуакъущал варсулунияр, виричунащал хIурнилуву хьинссар.

Ххуйсса щарсса дусса ужагь алжанни.

## Москавлив ттизаманнул вирттал барча бунни

Москавуллал Миллатирттал къатлуву дунни Медициналул зузалтрал къинилун хас дурсса «Уттизаманнул вирттал» тIисса мероприяте.



### ПатIимат РАМАЗАНОВА

Ва даврил сиптачитал бия Аьрасатнал Медициналул зузалтрал ассоциация ва жяматийсса активистьтал: медициналул элмурдал доктор, И.М. Сеченовлул цIанийсса Цалчинмур МГМУ-лул лажиндарал хирургиялул кафедралул профессор Астемир Шайхалиев, медициналул элмурдал доктор, профессор, офтальмолог, Аьрасатнал Президентнал Постпредство-лул Жяматийсса советрал член, ДГМУ-рал кафедралул учебная частьрал заведующая Сакинат Хархарова-Маккаева, «Аьрасатнал ниттихьул» тIисса жяматийсса дастталугьрал хьунмунил хьиривмур, ПаччахIлугьрал Думалул депутат Ризван Кьурбановлул кумагчи, Исламрал бизнесрал дуниялул халкъуннал дянйивсса ассоциациял (МАИБ-рал) Президент Марат Кабаевлул маслихатчи (онкологиялул къашавайсса оьрчIал масъалартталсса буллалисса) Разита Мусаева ва Москавуллал Культуралул центрданул вице-президент БатIи Оьмарова. Медициналул зузалт барча бунан бун бия Москавлив зузисса, яхъанакъисса, ватандалушалсса дахIаву тачIавугу хIура дуккан къаритлатисса дагъусттаннал агьлугу, къамалгу.

Медициналул зузалт барча буллалисса ихтилатру бунни медициналул элмурдал доктор, профессор, РАН-далул член-корреспондент, Аьрасатнал элмурдал лайкъ хьусса ишккакку, Аьрасатнал ХIукуматрал преми-

ярттал лауреат Сягьдулагь Абакаровлул, Сакинат Хархарова-Маккаевал, Москавуллал медициналул палаталул председатель, Дуниялул халкъуннал дянйивсса Элмурдал академиялул Президент Надежда Журавлевал, Москавливсса Дагъусттаннал Культуралул центрданул президент, авиациялул ракетирттал системарттал профессор, техникалул элмурдал доктор Арсен ХIусайновлул, Постпредство-лул Жяматийсса советрал председатель ХIамзат ХIамзатовлул, БатIи Оьмаровал. Дагъусттаннал халкъуннал артистка, Аьрасатнал лайкъ хьусса артистка Фаина Графченкол цилва зумуну бюхханну, асар хьунну барча бунна ва къабигьасса ппуртттуву, жагь ковидрал ххяппурттаща, жагьгу Украиннавусса аьралий иширттаву гьуртту хъанакъисса талатал шавурдал ххутIаща ххассал буллалисса медициналул зузалт. СВО-рал зоналий сивсуну зузисса, талатал ххассал буллалисса виртталсса хIакинтуравасса 17-ннан дуллауна Дагъусттан Республикалул Медициналул зузалтрал профсоюзрал чулухасса ХIурматрал грамотартту. Москавливсса дагъусттаннал агьалинан медициналул ка-кумаг буллалисса ва давриву хьхьичIунну зузисса 14 медициналул зузалан ХIурматрал грамотартту дуллауна Исламрал бизнесрал дуниялул халкъуннал ассоциациялул цIанияту. Ковидрал пандемиялул ппуртттуву хьхьу-къини личIи къадурну азарданул къызгьинсса фрон-


трай зий ивкIсса 13 хIакиннан Москавуллал Культуралул центрданул чулухасса ХIурматрал грамотартту дуллауна. Вара центрданул цIаниятусса «Дагъусттаннайн дакI тIайлашиврухлу» тIисса медаллу дуллауна Дагъусттаннал Медициналул зузалтрал профсоюзрал хьунмур Зумруд

Бучаеван, Сакинат Хархарова-Маккаеван ва А.В. Вишневский цIанийсса Хирургиялул элмийсса институтрал (ФГБУ НМИЦ) ортопедиялул ва артрологиялул отделениялул хьунама, медициналул элмурдал доктор Багавдин АхIмадовлул. Наградартту дуллалисса бутIул хьирив дия ххуйсса концертрал программалу, бия хьамал сахаватну хьамалу бунансса ссупрагу.

– Мияжнунугу хьуннасса хьар ларсун най бур хIакинну медициналул зузалт, жунна циньяннан кIулсса захIматшивурттайн буну, вайннан бигьану бакъар, мунияту ва мероприятиялул сиптачитурал гьанумур мурадгу медициналул зузалтрал дакIру тирх учинмур буну. Миннал хIурмат жучIава лахьну бушиву ккаккан буваву. Масалдаран, Мусаева Дина Украиннавусса госпитальдани тIайланма бункIунни учирчагу тIайлахьунссар. Ванингу, ванишалсса хIакинтурангу кIулли цивппа аьралий иширттал цIараву бушиву, цалами оьмурдангу нигьачIинна душиву. Амма вайннан шавурду дирминнал аьзаврду рахIат дуварияр хьунмасса мурад цамур бакъар цIана. Укунсса инсантурахь барчаллагь учин жулва адаврал буржри. ХIалу дагьнура кIицI лаган, хьунмасса барчаллагьрай бура ва даву лавайсса даражалый дунан биалсса захIмат бивхьусса Астемир Шайхалиевлуин, Сакинат Хархарова-Маккаевайн ва Разита Мусаевайн, – увкунни БатIи Оьмаровал жул корреспондентнахь телефондалувах.

### ЧIунлахъиялул

КIяламиннул 2 ходрай мат дихьлай бур.



1. Крe2 Крe4 2. Лf4-f4

### МАХIАЧКЪАЛА

Ит	Ттл	Ар	Хм	Нж	Ххл	Ал
17	18	19	20	21	22	23
ДЯРКЪУ-ГЪИЛИШИВУ (°C)						
+28	+29	+29	+28	+30	+28	+28
+20	+21	+22	+22	+23	+22	+22
МАРЧ (м/с)						
10	10	7	5	6	3	3
ГЪАРАЛ(мм)						
0	0	0	0,1	0,9	0,3	0,6

### Гъавалул тагьар

Ит	Ттл	Ар	Хм	Нж	Ххл	Ал
17	18	19	20	21	22	23
ДЯРКЪУ-ГЪИЛИШИВУ (°C)						
+13	+19	+23	+24	+23	+21	+23
+9	+8	+10	+14	+15	+15	+15
МАРЧ (м/с)						
3	6	3	2	2	2	2
ГЪАРАЛ(мм)						
4,9	0	0	4,5	5,8	6,7	9,4

### ГЪУМУЧИ



Газета «Илчи» (Вестник)

Учредитель:  
Агентство информации и печати Республики Дагестан

Хьунама редактор:  
Кьардашов Р. Аь.  
Тел.. 65-00-07

Башаев Р.М. Тел. 65-03-12  
хьунама редакторнал хьиривма

Редколлегия:  
Адамов АьбурахIман  
МахIаммадович  
Аьлиев ХIажи Сулайманович  
Исрапилов Артур Анварович  
КьурбанмахIаммадов Чанкура  
Рамазанович  
Маммаев Сулайман  
Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин  
Абусупиянович  
Шалласуев Шалласу Рамазанович  
Эльдарава Роза ХIажиевна

Отделлал редактортал:  
Аьбуллаева А. П.  
Аьдилов ХI. А.  
Рамазанова П. ХI.  
Тахакъаева З. К.

Корреспондентьтал:  
АьбурахIманова З. Т.  
Аьлиева Б. Д.  
Саидова И. А.

Корректор:  
АхIмадова А.И.

Кказитрал компьютерданул цех:  
Абакарова К. Н.  
ХIажиева З. У.

Кказитрай дурксса макьаларттаву кIицI лавгмур тIайлашиврул жаваб дулайссар чивчуманал.  
Редакция макьалалул залуннал пикрилий рязину бакъахьурчагу, макьала ришайссар, жяматрал цаламур пикри бусанссар тIисса ниятрай. Кказитрайн дуркIсса макьаларттайн рецензия къачичайссар ва ми залуннахьхьун зана къадайссар.

Кказит буккайссар нюжмардий цал. Шинай итабакъайссар 52 номер.

Кказитрал индекс. П7046  
Тираж – 2000 экз.

Адрес редакции и издателя:  
367018, г. Махачкала,  
пр-т Насрутдинова, 1а  
e-mail. ilchi@rambler.ru  
http://ilchi.info  
Тел./факс. 65-00-07

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а  
Срок подписания в печать 19.00.  
Подписано 19.00.

Цена свободная



4 651116 280051